

كلمة
فوق

كوميديّة من ثلاثة فصول

تأليف

الأستاذ محمود تيمور بك

عنى بطبعها ونشرها

محمد صمدى

محرر «الحوادث» الشهرية

مقدمة

بقلم الأستاذ محمد حمدى

هذا ثالث كتاب يصدره لتيمور بك باللغة العامية ، والكتابان السابقان هما : « ثلاث مسرحيات من فصل واحد » و « عروس النيل » .

وأغلب الظن أننا سنوالى إصدار قصص باللغة العامية لتيمور بك ، ولغيره من القاصيين المصريين ، بعد أن نجحت التجربة ، نجاحاً باهراً . فقد أقبل القراء — فى مصر — على مطالعة كتابينا السابقين حتى أوشكت النسخ المطبوعة منها أن تنفذ ، وحتى أننا نفكر الآن فى الإسراع بإخراج طبعة ثانية منها .

وقد علقنا صحف عديدة على هذين الكتابين ، وكتب المفضال الدكتور أحمد زكي بك فصلاً مسهباً فى مجلة « الثقافة » القراء عن الكتاب الأول ، والفكرة التى روعيت فى طبعه : فكرة استخدام اللغة العامية وكتابة الكلمات على أساس نطقها ، يخرج منه القارئ بأنه لا ضير على اللغة العربية من شيوع هذا

التصرب من الأدب باللغة العامية ، حيث أن حوار القمصص
لا يجري في واقع الحياة ، باللغة العربية ، وحيث أن تسجيله
بهذه اللغة ، لا يضير العربية الفصحى في شيء ، لأن هناك
نواحي أخرى عديدة تستخدم الفصحى في تدوينها .

والدكتور أحمد زكي بك من كتاب العربية الفصحى ومن
قوى الأناقة والتميز في الأسلوب ، وصدور هذا الحكم من
أديب فاضل مثله ، له قيمته . ونحن نكتفي به في التذليل على
صواب الرأي الذي ذهبنا إليه .

وهذا الكتاب الثالث الذي تقدمه للقراء ، هو مسرحية
ضاحكة في ثلاثة فصول ، شاءت عبقرية مؤلفها الأستاذ محمود
ميمون بك أن يجري حواراتها كلها داخل مخبأ .

ومن منا الآن لا يعرف المخبيء ، ولا ينزل إلى المخبيء ،
ولا تحدث له حوادث في المخبيء ؟

لذلك نأمل أن يصادف الكتاب استحسان القراء ، وتقدير

الأدباء .

الناشر

محمد صمدى

أشخاص الرواية

- نبيل بك : فقي أرسطراطي ، يبلغ الأربعين .
- شكيب بك : شاب من الطبقة الراقية ، خطيب محاسن هانم
- محاسن هانم : خطيبة « شكيب بك » فتاة من الطبقة الأرستقراطية المحافظة .
- فريهم الحصن : أستاذ مبادئ العلوم في المدارس الابتدائية بالريف . من أنصار مذهب « دارون
- برجت القاعم : شاب مهذار يعيش في الحياة وفق هواه
- فمقوشى : ماسح أحذية ، وضعيف النفس ، زرى الهيئته
- الشيخ عقيبته : رجل أبله أخرس
- الفولى : بائع الكهك
- عفاف : فتاة من غوانى الملاهي
- بمبوم : امرأة عجوز من البلديات
- ذهب أفندرى : مراب :
- البرهي أفندرى : صحفى .

الفصل الأول

(يرفع الستار عن مخبأ أرضى
أوشك بناؤه أن يتم . المخبأ خال من
الناس . تسمع صفارات الانذار
بحدوث غارة جوية . يهبط الناس
إلى الخبأ . الوقت منتصف الليل .
نرى أولاً فوجاً صغيراً مؤلفاً من
نبيل بك وقشقوش وخلفهما ذهب
أفندي)

نبيل بك : حاجه تدانيء ... ياريتنى سافرت العزبه ...
ذهب أفندي : (لنفسه) غارات ... غارات ... شيء مالوش

آخر ... تنبيل أعمالِ وِوَأفحال (يامع نبيل بك) أهلاً
سعادة اليه ...

نبيل بك : ذهب أفندي ... الله ... إنت هنا ... ؟

(يتصافح)

قشقوشى : (لنفسه بعيداً عن نبيل بك وذهب أفندي)

إيه الأيام اللي زى بعضها دي ... دا خراب جيوب يا عالم ...
شيلاه يا أم هاشم ... شيلاه ياسيّد يابدوى ياللى سرّك باع !

ذهب أفندي : (لنبيل بك) ياري الغاره دي حاتطولك

ولا إيه ؟

نبيل بك : الغاره بتاعت امبارح فضلت ساعتين على داير

دئيتّه !

ذهب أفندي : لا يايبه ، وانت السادىء ... ساعتين وربيع

بالمظبوط ... أضيّتهم فى المكتب اشتغل بلمضة زّراه ، يادوب

كنت بشوف طشاش ...

قشقوش : (وهو فى مكانه البعيد) ساعتين ولا أكثر ،

الأصد ربنا يفوت ألوات على خير ...

(تهبط محاسن وشكيب)

محاسن : حنكون هنا ف أمان يا شكيب ... ؟

شكيب : أُمّال يا محاسن ، ما تخافيش أبداً . . .

محاسن : والنبي صحيح . . . ؟

شكيب : دا الخبأ بالأسمت المسلح . . . ومعمول بالطريته

اللى تخلى الهوا والنور يُخشوا فيه . . .

محاسن : لكن ماما . . . بابا . . . يا تري يا هسل ترى . . . !

شكيب : إحنا عرّفنا هُمّ راحوا فين بعد ما خرجنا من

السينما ملهوجين ، ما حد عارف أخوك من ابوك . . .

محاسن : مش أحسن اننا نخرج ندور عليهم ؟

شكيب : وهوّ ددبان الخبأ اللي وائف على الباب يرضى ينفدنا

من عتبتة دلوات . . .

(يتبادلان الكلام بصوت غير مسموع ويتفقدان الخبأ)

قشتوش : (لنفسه) هو دا وأت الواحد يسأل فيه عن

سيدى أبوه والنبي حارِسها امه ؟ . . . مش يبوس إيده وش

وضهر اللي حماه مخبأ زى ده بالاسمات المسلح ؟ حكمتك يارب

ذهب أفندى : (لنبييل بك) حتننتهى الفارة على خير إن شاء

الله . . . باين عليها كده بازن الله !

نبييل بك : برضه كده .. وعلى أى الحالات احنا فى مخبأ عال

ذهب أفندى : عال جداً .. مش نؤعد أحسن ؟ (يضحك)

ويشير إلى دكة من دكاك الخبأ) أما دكة ما فيش كده أبداً
اتفضل يا بيه ... !

نبيل بك : صححيح ما فيش كده أبداً ... (يجلس ويضع
رجلا على رجل) ما باليد حيلة يا سيّد دهب ! !

دهب أفندي : فرصه سعيده يا بيه .. كنت بحسب إن
سعادتك دلوات تكون في النادي ... إنتو في الميغاد ده بتبتدوا
لعبة البردج ...

نبيل بك : صححيح (ينظر في ساعته) دلوات نص الليل
أنا لسه فُت الرستوران وجاي أركب العريه سمعت الصفاير
بتضرب ... !

دهب أفندي : أهو دا اللي حصل لي أنا كان ... يادوبك
سبت المكتب وحاخذ التراماي بصيت لثيت الصفاره بتقول :
توت ، توت .

قشقوش : (يتقدم منها ، ويقول) تسرخ : توت . توت
أعوذ بالله من صوتها الفأري ياسعادة البيه !

نبيل بك : (بترفع) مين ده ؟
دهب أفندي : دا الواد أشوش البويجي (لقشقوش)
مين رماك علينا الساعه دي

قشقوش : الصفاره الشؤم ... الشاويش جاني غصب عنى
ونزاني هنا ... أهو تعطيل أشغال والسلام ... عليك العوض
يارب ... !

نبيل بك : (لذهب أفندى) ماتاخذش منه وتدى ، مش
نائصنا إلا نرغى مع بويجى كان ؟

قشقوش : (لنبيل بك) الله يسأحك ياسعادة البيه ... دا

من بجنى اللى أنا وياكم (يتقدم بصندوقه) والنبي لنا مسح
جزمة سعادتك ... سفسسحنى يابيه . ربنا يجعل مہارك إسطه ،
ويخلصنا على خير ...

نبيل بك : إمشى ياواد ... بلاش قذاره

قشقوش : طيب يعنى ...

نبيل بك : إمشى ياواد ...

قشقوش : (يتقهقر - يضرب بفرجونه الصندوق)

الأمر لك ياوخيمه زراه ... يارب ، يامفرج الكرب !!

(نبيل بك ودهب أفندى يتحدثان بصوت غير

مسموع . يظهر شكيب ومحاسن)

شكيب : (لمحاسن) الخبأ متين ... مش كده والنبي ... أدحنا

اتفرجنا عليه كاه ... يلا بينا نستريح بأه ... آهى أعده والسلام

محاسن : (سأهمة مفكرة) بس أبويا ... أمي ... عايزه
نخرج نشوفهم راحوا فين ...

قشقوش : (يتقدم من شكيب) جري فين أصلي .. تمسح
يا بيه ... مسحة بالشرف ...!!

شكيب : (لقشقوش) أمسح ... انت مجنون يا واد انت ،
صحيح المزاج راينء أوى للمسح !

قشقوش : بتعمل كده ليه يا بيه ... حط ف بطنك بطيخة
صيفي ... مافيش خوف ... إحنا ف أمان ... !

محاسن : (لقشقوش) اسمع يا واد أما أولك ... (تلقت
إلى شكيب) مش أحسن نبعث الواد ده لحد باب السينا يشوف
بابا وماما ... ؟

شكيب : (لقشقوش) تعرف يا واد تروح السينا الار بيه
من هنا ، وتشوف الأتميل نمره ... (يلتفت إلى محاسن)
نمره العربية كام ؟

محاسن : ١٥٤٠٩

شكيب : (متما حديثه مع قشقوش) العربية نمرتها
١٥٤٠٩ فان لبيتها تسأن السواء تقول له : فين صبري باشا
والست بتاعته

قشقوش : غالي والطلب رخيص يا بيه ... بس أخرج ازاي

محاسن : حديدك نص فرنك ... !
شكيب : لأ ... أنا ادّي له شلن إن اجدد عن وراح ...
قشقوش : عازني اروح ف شربة هيّه ... دي الروح
حلوه يا بيه ... !

(يرى فهم الخشن وبهجت الناعم يهبطان المنجأ :
الأول معه حقيبة سفر قديمة . قشقوش يتابع حديثه مع
شكيب بك) بص ... بص ... آدى وارد جديد (يوجه
الكلام إليهما) مرحب . مرحب ، اتفضلوا !!

فهم الخشن : (لبهجت الناعم) ماشفتش يا حضرة جمهور
غريب الأطوار ، شاذ الطباع ، زى جمهور ناده ...
بهجت الناعم : أصد حضرتك إيه ؟
فهم الخشن : أصدى طبعاً يا حضرة الشيء اللي بنشوفه كل
ساعه فى كل حاجه ... أصدى الاهمال ... أصدى التهاون ...
حتى ف وأت الزنأه ... الناس ماشيين يتلكهوا وهم رايجين
المنجأ ... تتولشى رايجين سينما ولا صاله ؟
بهجت الناعم : وعشان إيه السرعة ؟
فهم الخشن : عشان إيه السرعة ؟ إحنا ف حالة خطر
يا حضرة ... !

بهجت الناعم : (يرسل ضحكة عابثة) خطر !؟ يا سيدى

تفضلك (ينظر إليه مدققاً) الظاهر إن دى أول صفاره

تسممها حضرتك ... !

فهم الخشن : أنا لسه جاي من الريف ... وأنا فى الترمای

فاجئتني الغاره ...

بهجت الناعم : وحضرتك شرفت من الترمای على هنا

طوآلى ... ؟

فهم الخشن : مصادفه عجيبه للغاية ...

بهجت الناعم : الدنيا كلها مصادفات ... وإيه رأيك بأ فى

الخبأ ؟ نرمتك مش شكاه ظريف ؟

فهم الخشن : المهم انه يحمى الانسان من خطر القنابل

وخلص ... !!

بهجت الناعم : يا سيدى سيدك ... العمر واحد ، والرب

واحد ... !

فهم الخشن : عجيبه افك مش سائل ، ولا كإن فيه حاجه ...

دا شيء ما يمشيش مع الطبيعه البشرىه اللى أوضح ما فيها غريزة

حب البقاء . والغريزه دى تظهر فى الحيوان جداً . . خد بالك

من الأوط أو الكلب تلاتيه يهرب فى مكان أمين إذا حس بأن

فيه خطر أو هناك أحد يهاجمه ...

(بهجت الناعم يضحك)

محاسن : (لشكيب) يا ترى ياربي همّ فين دلوات ؟
شكيب : يعني حيكونوا فين ... لازم مستخيين ف مكان
كوييس ...

محاسن : دول همّ ألهمّ ما يستحملش حاجة ... ودايما
يثولوا ياترى ياهل ترى ... لازم مخضوضين على !
شكيب : ليه ما هم عارفين إنا سوا ... هو أنا مش خطيبك
يا محاسن ، وأحميك بهنّي ، وهم متأ كدين من كده ...
ما يكونش عندك فكره من الجبهه دي .

(يأخذ يدها ملاطفا فتجذبها على عجل ...)

محاسن : سيب إيدي ... !

نبيل بك : (لذهب افندي) ١٥٪ / ١٥٠٠٠٪ . كثير ...

كثير يا ذهب افندي ... انت مشدّد أوى ... !!

ذهب افندي : (وهو ينظف نظارته ويضعها ثانياً على

أنفه) والله يا بيه انت الكسبان مش انا ... دي حركة التسليف
تايمه نوم فظيع ... الناس خايفه على فلوسها ، والحاله الدوليه
على كف عفريت ... !!

نبيل بك : مفهوم يا ذهب افندي مفهوم ، ولكن برضه

١٥. / كثير خالص ...

ذهب افندي : انت صاحب أديم ، وما يصحش إني أشدّ

معالك ... ١٤. / مبسوط يايه ...

(يتفاوضان في عقد قرض)

(يدخل الخبأ فوج آخر دفقة واحدة ، مكون من

عفاف ، وهي غانية من غواني الملاهي ، في يدها محفظتها

وزجاجتان ملفوفتان ، ووراءها « بسبوسة » .. امرأة من

نساء الطبقة الدنيا ، « والفولي » الفتوة بائع الكمك ، وهو

يحمل سلتته ، وخلف هؤلاء « الشيخ عميشة » الأبله

الأخرس ... يسمع صوت رجل من رجال الشرطة ، وهو

يصيح بهذا الفوج أن ينزل سريعاً)

قشقوش : (متجها نحو بسبوسة والفولي وعميشة ،

يرحب أولاً بالفولي) ياميت مرحب بالمعلم فولي ، أنت

يا فتوة البلد . الحته نوّرت بعيونك يامعلم . (الفولي يسلم عليه

بتعاضم ، وهو يفتل شاربه . قشقوش يلتفت نظره إلى

بسبوسة) أنت معانا يا خالتي بسبوسه ... سلامات ... اتفضلي

يا خالتي استريحى ... ف عيننا من جوتّه (ينظر إلى الشيخ
عميشة) و كان سيدنا الشيخ ؟ (يقبل يده) دا الطّام
كئمل ... و حياة ديني ما حيحصل لنا حاجه بازن واحد
أحد ... ما دام اتلمينا كده ... دا الشيخ عميشه و الأجر
على الله يا عم ... !!

(القولى يضحك بتعظيم و استهزاء)

بسبوسة : (لقشقوش) ربنا ينفهنا ببركاته يا بنى . بس
ياروحى يا على الواد ابن بنتى ضاع منى على الرصيف ... تكسبشى
سواب فى خالتك الغلبانه و تروح تشوفولى ...
قشقوش : دول محرّجين ما حدش يخرج يا خالتي ...
مفيش جنس واحد دخل يئدر يقتب على الباب الا بعد ما بيان
بياضها من سوادها ... و خايفه على إيه؟ حطى ف بطنك بطيخه
صيفى ... ابن بنتك دلوات تلائيه فرحان و مز أطمستنى الطيارات
لما تزن ف السما زى النحل .. ياما حيسأف و يعمل لهيله و هولوله ،
ياريتنى معاه يا خالتي نفرش سوا ... !

(عميشه فى هذا الوقت تنزلق قدمه ، فيقع متدحرجاً
على السلم . تنظر إليه عفاف ثم تضج بالضحك .
قشقوش يبادر بأقالة الشيخ من عثرته ، و بسبوسه تساعده

وهي تبرك بالشيخ . عناف تضع الزجاجةتين الملقوفتين
في ركن ...)

فهم الخشن : (لهجت الناعم) بص ياسيدي خدلي بالك
شوف التشكيبه العجيبه اللي معنا ...

لهجت الناعم : (وهو يشير إلى عناف) انت ما تعرفش

عناف نجمة السينا ؟ ما شفتش صورتها أبداً في المجلات ؟

فهم الخشن : (بتحفظ شديد وهو يرمق الغانية بعين

الاحتمار) أنا يا حضرة مش من الصنف اللي يشغل باله
بالحاجات دي ... !

لهجت الناعم : (وهو يحدق في عناف) يعني ما سمعتش في

الرديو دُرّها التانجو المشهور . ياللي سئني الغرام ؟ ... د الناس
على المسرح بتيجن لما تسمعه ، وكل ما تخصص يثولوا لها من تاني

فهم الخشن : وهو جمهورنا له زوع ... دا جمهور منحط يا حضرة

لهجت الناعم : لأ ... اسبح لي بأ ... من فضلك شويه !!

فهم الخشن : وهو أنا أترك حاجه غلط يا حضرة ؟ أصدى

أقول ان الجمهور اللي بيحب الأذوار اللي من النوع دا جمهور
ما عندوش زوع ... جمهور منحط !!

بهجت الناعم : علي كل حال الدور دا دور جميل والسلام
والناس معزوره لما بجهن ساعة ما تسمعه ... !!

(وقد لاحظت أن عناف واقفة تدور بنظرها في

المكان فيتقدم منها ، ويقول لها :)

انفضلي هنا يا آنسه ... !

(ينظف لها عند يده مكانا على دكة من ذلك الخبأ ...)

عناف : مرسى ... مرسى أوى ... بس ... !

بهجت الناعم : باين عليك مخايفه ... ما يكونش عندك

فكره ... الخبأ في غاية ونهايه ... مفهيش من خطر عليتنا أبدأ ...

عناف : بس حكاية الفارات دي شيء يدانيه ويهكتين

المزاج ... !!

بهجت الناعم : دي حسيبة ربع ساعة وربنا يفرجها ، كل

واحد يروح لحاله ... ونبأ على وش الدنيا ...

بسبوسة : على وش الدنيا ... على ظهرها أهى مصهبة

وانحطت على دماغتنا ... (تتقدم من الفولى بائع الكمك) والنبي

يا بني ما تشرشى تخرجني من هنا ينسويك سوآب ؟

الفولى : (بنظرة واحتقار) أخرجك ... إيه هو

الكلام دا يا وليته ... اسكتي ... اسكتي ...

بسبوسة : دانا غلبانه يا ابني اعمل معروف فيته ... دلي

أخرج إزاي عاشان أدور علي ابن بنتي اللي تاه من أيدي ...
(تمسك بيده ، فيدفعها)

القولى : اهدى عني ... أما صحيح مره عماله تحرف !
بسبوسة : (وقد تركته ، تغضم) يا ترى انت فين
يا فتوته ؟ !

القولى : ابن بنتك اسمه فتوته ؟ عمره أد إيه ؟
بسبوسة : واد يقيم الأب والأم ، يا حسره عليه يا ابني ، أنا
اللي تر بيده يا ضناى !!

القولى : (يرفع صوته بقوله) بشو لك عمره أد إيه ،
ما تردى ... !

بسبوسة : اسه يا حبيبي يا خويا داخل في التسعه ...

القولى : ابن تسعه وتسميه فتوته ؟ أما عجيبه علي
الخللاي دى ، أمال احنا بيتا اسكنا إيه بأه ؟
(يدفعها بقسوة)

قشقوش : (للقولى متملقا) والله الخبأ نور بوجودك

يا معلم ، تسؤلشى الأمر ليلة اربعتاشر ... تحب أمسح لك
السلنقه ؟

القولى : (بكبرياء . . . وقد وضع سلته جانبا ، واعتمد

على الحائط ومد قدمه لمسح الأحذية)

أرَبُّ ياواد ، بس امسح كويس ، لحسن هيه !

قشقوش : (وقد بدأ مسح بلغة الفولى) ياسلام يامعلم ،

بفتك فوء راسى ... هو أنا أنسى جمابك ... دا كله من
خورك يامعلم ... !

(الفولى يقهقه ، وهو يقتل شاربه ... قشقوش

ينهمك فى المسح : الشيخ عميشة يتناهب فى صوت بشم)

عفاف : (لهجت الناعم ، وهى تشير إلى عميشة)

مين الراجل ده اللي شكاه يشرف ... ؟

بهجت الناعم : دا راجل مجزوب ... اللي الناس التمتبطا

يشولوا عليه ولي من أولياء الله ...

(عفاف ترمى إلى عميشة نصف قرش ، فياتقطه كما

ياتقط الكلب قطعة من اللحم . يتهمج ويضعها)

عفاف : مسكين والنبي ...

بهجت الناعم : ألبك ربيء أوى ...

عفاف : صحيح أنا ما أحبش صنف الشحاتين والجماعه

اللى بيريموا ، ويقولوا عليهم مجازيب ، ولكن الحما أنا مش

عارفه ليه شافه الراجل ده يستحاً الاحسان ... ؟

بسيوسة : (تتقدم من عفاف) تبدأ نيش أنا رخره إرشون
باشابه ؟ ليه ابن بنت ناخري عليه ، وناه عن عني ساعة
العفارة ما ضربت . إديني ولو إرش لله يا بنتي ..

عفاف : على الله ... !

(وفي هذه اللحظة نجد الفولي قد انقض على الشيخ
عميشه ، وأمسك بيده يريد أن يأخذ نصف القرش منه ،
تقوم معركة صامتة بينه وبين عميشه . سرعان ما يجد
الفولي قد نجح في سلب الشيخ نصف القرش ثم طرح
الشيخ على الأرض . عميشه يندفع في البكاء بيله ، وهو
يهدد الفولي ..)

عفاف : إيه اللي حصل ... ؟

الفولي : (وهو يشير إلى عميشه) كان ما ينزل على إيدي
بعضتها زي المسرورع لحئت نفسي ... !

عفاف : وكان حيعضها ليه ؟

الفولي : (متضاحكا) أنا عارف يا ست يمكن جنوته هيسأله
ما جده (عميشه ما زال يولول ، وهو يهدد الفولي . الفولي يصيح
فيه صيحة شديدة ...) هس بيا يار اجل مش عايز اسمع صوتك
لحسن أطلع كرشك ... !!

(عميشه يخاف ، ينكش مجبجماً ، الفولى يضحكك

ملء شادقيه ...)

بسبوسة : (اقشقوش جانبا) إنت مش شفت الراجل ده

وهو" بياخد الارش من الشيخ عميشه ؟ مش كنت تحمى عمك

الشيخ ؟ إخص عليك ... !

قشقوش : إنت يا وليه عايزاني أتخانيء مع المعلم الفولى ؟

انا شفت بعيني لما هجهم على أبو طائيه العتر فتوة حنتنا وألع

عينه بصباعه أدام الخلاء !

بسبوسة : ألع عنيه ... !

قشقوش : والله يا خلتى بسبوسة ... شفت عين العتر في

كفته تقوليش جوهره شاربها من المسمط ... ؟

بسبوسة : ياساير يارب ! ... الشر بعيد يا بني ... !

قشقوش : وشفته مره تانيه وانجستاءه حامية بين طايفته ،

وطايفه المعلم السهمباني ياخذ راس عيل يدشها على رصيف الشارع

تقوليش بيكسر بطيخه ؟

بسبوسة : راس عيل ... يا حفيظ يارب ... يا ترى إنت

فين دلوقت يافتوه ، النبي حارسك وحافظك ... ألي عليك

طاليب يا ابن بنتى يا غلبان ... !

(تبتهل إلى الله . عفاف وبهجت الناعم يضحكك ...)

ينظر كل منهما إلى الآخر ، يتسلمان بلا كلام ثم يضحكان
ثانياً .. بهجت يمسك بيد عفاف ويلاطفها .. عفاف تضحك
ضحكة مستهترّة طويلة ...)

بهجت الناعم : الله ... ضحكك ، فشر نقات مزيكه ... كان
ضحكك والني ، خلىّ اللهم اللي احنا فيه دا ينزاح ...
عفاف : عجبك أوى ضحكى ... إن كان على كده خد زى
ما أنت عاوز ...

(تضحك ويضحك الناعم ...)

بهجت الناعم : إلاّ تلعيش معاني جوز ولاّ فرد ، أنا ف
جيبى شوية شكولاته وهلبس نلب عليهم ...
عفاف : ورّيني ياخويا ورّيني ...

(يأخذان في اللب ثم يمسك بيدها بمدحجين)

بهجت الناعم : تسمحي !

عفاف : (بدلال) أوه !!

(بهجت الناعم ينحني على يد عفاف ويقبّلها بحرارة ،

ينظر كل منهما إلى الآخر مبتسما . يضحكان)

شكيب : (وقد شاهد هذا المنظر يقول لمحاسن خطيبته وقد

أمسك بيدها) تسمحي ؟

محاسن : (تجذب يدها بشدة) أرجوك ... أرجوك ...

آه ياربي ... إمتي تخلص الغاره دي !

شكيب : أنا بادعى إن ربنا يطولها ... !

محاسن : شكيب ! ... إنت بتخليني اتفرز بالكلام ده !

شكيب : دي أول مرة من يوم ما اتخطبنا نختلي فيها ببعض

دا يوم المنى عندي ... !

محاسن : إنت بتقول إيه ياشكيب ... أنا ما كنتش أفتكرك

كده ... اختشى بأ ...

شكيب : ياستى ما تبئيش آسويه ... إحناد لوأتي فخطوبين ،

وبكره نبأ لبعض ، بتعملي في كده ليه ؟ مش كفايه على

اللي بدوءه من أبوك وأمك ؟ هم عمرهم فاتونا لوحدنا ... دول

مرائبنا ومطالعين روجي !

بسبوسة : (تقترب من بهجت الناعم وهو يحدث عفاف)

والنبي يابني تاخذ إيدى ، الله ياخذ بايدك وتدلني ع الباب ...

ابن بنتي فتة على رصيف الشارع ، ولا انا عارفه جرى لدايه في

الوحسه السوده دي ...

بهجت الناعم : (وهو منهمك يحدث الغانية) على الله .

بسبوسة : الواد فتوة لاله أب ولا أم ، يا عيني مالوش حد

غيري ... أنا في عرضك ياسيدي ربنا ما يفضح لك وليه ...

بهجت الناعم : (يلتفت نحوها وينتهرها) يا شيخه ألت

لك على الله ... ؟

عفاف : (لبسبوسة) خدي حته شكولاته وروحى فمالك

بسبوسة : يا بنتى هو أنا عايزه شكولاته ... ؟

بهجت الناعم : أمال عايزه إيه ؟

عفاف : ممكن يكون نفسها فى حاجه ما حناش فاهينها .

(تميل على بهجت الناعم ، وتسرا إليه كلمة ، ثم تضحك

ضحكة مدوية . بهجت الناعم يشار كها فى الضحك)

نبيل بك : الأنسة دى باين عليها مزأططه أوى ...

ذهب أفندى : دى عفاف ، كوكب المسارح على سن ورمح

(تميل على أذنه ويبدأ يروى له شيئاً)

بسبوسة : (لبهجت الناعم) الواد النبى حارسه وحافضه

تاه منى على الرصيف وما نيش عارفه جرى له إيه ؟

بهجت الناعم : (وقد رفع صوته متضايقا) طيب وعاوزانى

أعمل لك إيه فى النبى حارسه وحافضه ابن بنتك ؟

بسبوسة : عايزاك تخرجنى على وش الشارع .

(بهجت الناعم وعفاف يغرقان فى الضحك)

بهجت الناعم : (لبسبوسة وقد أخرج ساعته ونظر فيها)
يادوبك فاضل خمس دآنيء ونخرج كلنا ، روهي استرخي بأ
بسبوسة : ربنا يبشرك بالخير . (تتجه نحو الشيخ عميشه
وتجلس صاغرة تقول) ادعى لنا ياسيدنا الشيخ عميشه .

(يغمغم طويلا ، ثم يرسل قهقهة تتجلى فيها البلاهة)

بسبوسة : كلك خير وبركه بالصلا على النبي .. كلك خير وبركه

(تأخذ يده وتقبلها مرارا وتضعها فوق رأسها)

(شكيب يأخذ يد خطيبته على حين غرة ويقبلها بحرارة)

محاسن : (وقد استنفرها الغضب) لا ، لا . ما أدرش

أأعد هنا أكثر من كده (تتجه نحو الباب وشكيب يغممها)

سبيني ، سبيني ، لازم أخرج ...

بسبوسة : صححيح والنبي لك حأ ، لازم نخرج ، يلا بينا يلا

(تهنأ للقيام) أروح أدور علي فتوه ... فتوه ابن بنتي النبي

يخرسك يا ضنأى ...

الفولى : (يصيح فيها) يا وليه أنا أت لك ما فيش فتوه

غیری أنا ... سامعه؟! (یرفع العصا الیها)

بسبوسة : سامعه یا ابني سامعه ما تزعلش .

نبیل بك : (نائراً) أعوز بالله ! أعوز بالله ! دائماً خوتة

وحناء ... (ینظر فی ساعتہ) أف ... ! !

ذهب أفندی : (یمیل علیہ) عفاف بنت لطیفه ... !

نبیل بك : (یتحفظ) لطیفه جداً .

ذهب أفندی : لیه ما تاخذش بالك منها و تمارجها ... !

نبیل بك : أمازجها ؟ انت عاوز تخرب بيتي ! كفايه الديون

اللي راكبه على صدری . . أنا نائص !

ذهب أفندی : أنا أصدی تسلیه بس ...

نبیل بك : (ینظر فی ساعتہ) أف ... ! أف ... !

ذهب أفندی : المسألة ماتستاهلش ... انك تدأبي الحد

كده ...

نبیل بك : أبوه ماتستاهلش ... بص (یشیر إلى الموجودین)

ماحصلش أني أعدت وى شوية لمامه زى دى أبدا ...

فهمیم الخشن : (لنبیل بك) لمامه ... أصدك مين یاحضرة ؟

نبیل بك : (وهو یمسیر ذهاباً وإياباً ، ویداه معقودتان إلى

ظهره ...) أصدی دول ... إنت مش شايف إحنا آعدین

وى مين ؟

فهم الخشن : لك حياً ... مجموعه ما تشر فاش ، لكن نعمل
إيه ؟ دا حكم الظروف ... وأنا مش عارف إيه ما يراعوش في
المخاييه نظام الطبقات ؟ النظام ده موجود حتى بين طوائف
الأرود و النسمانيس ، تلاً فيها طبقات ، فكان الواجب أن
الحكومة تاخذ بالها من الحكايه دي وتعمل المخاييه درجات
ما تخليهاش سلطات ... !

بهجت الناعم : (وقد صدمت الجملة أذنه ، يلتفت إلى

فهم الخشن) درجات ؟ درجات يعني إيه ؟ تؤصد يعني المخاييه
تبأى زى بواير السمكه الحديد : ترسو وسكندو وبريمو ... ؟
فهم الخشن : و إيه لأ يا حضرة ؟ الناس مآ مات يا حضرة ... !!
بهجت الناعم : يعني أصد جنابك تدخل نظام الطبآت حتى
في المخاييه ... !

نبيل بك : طبعاً ، لازم نظام الطبآت ياخذ حدوده في كل
مكان ...

بهجت الناعم : ولكن يا إيه دا العالم دلوات ييممحي الفروء
بين الطبآت ...

نبيل بك : لأ ، دا تغييل وعبط ...

فهم الخشن : مش عبط وبس ، دا جهل مر كيب ...
بهجت الناعم : عبط و جهل ... ??

فهم الخشن : أمال يا حضرة ... دا العلامة الكبير دارون
صاحب نظرية التطور يثبت بالأدلة القاطعة أن نظام الطبقات
نظام طبيعي ما فيهش أي غلط ، نظام ماشيه عليه النباتات
والحيوانات و كل شيء في الكون ...

بهجت الناعم : إحنا ماننا و مال كده ، الموضوع مش
محتاج إننا نجرجر دارون و نظرية دارون ...

ذهب افندي : (فهم الخشن ، مقاطعة بهجت الناعم)
إحنا لسه ما تشر فناش بالأسم الكريم ...
فهم الخشن : أنا فهم الخشن أستاذ علم الحياة و الفيزيولوجيا ...
نبيل بك : في الجامعة طبعاً ...

فهم الخشن : لأ ، في مدرسة الرجا الصالح ...
بهجت الناعم : أوه ، مدرسة الرجا الصالح الابتدائية اللي
في زفتى ... ؟

فهم الخشن : و حضرتك مين ؟

بهجت : أنا محسوبك بهجت الناعم !

عفاف : بهجت بك الناعم ؟

القولى : (جانباً لقشقوش ، و قد أرسل ضحكة استهزاء)

أما عجيبه ... خشن و ناعم ... إنت سامع يا أشوش ؟

قشقوش : سامع يا معسى ، ما جمع إلا أمّا و فآ

(يضحك)

نبيل بك : (لهجت الناعم) وحضرتك بتشتغل في إيه ؟

بهجت الناعم : يشتغل في إيه ... ؟ يشتغل في إيه ... ؟

فهم الخشن : أيوه يا حضرة ... البيه بيدسألك شغلتك إيه ؟

بهجت الناعم : حأ عمري ما فكرت في الحكاياه دي .. (يتسجم)

شغلتى ... (يضحك) شغلتى يا حضرات إني أعيش واصرف

على أد الأيراد اللى باخده من وزارة الاوقاف ومن معاش

أبويا ... شغلتى إني أرتب أكلى وشربى على زوئى ، وأعد

لى شويه على الأهوه مع صحابى ، وكل شوية ايام أروح صاله ،

أروح سبنا ، أتفرفش ، وامتسح عيني بالجمال والرشاقه ...

(يقول ذلك وهو يشير إلى عفاف)

نبيل بك : يعنى بالاختصار حضرتك ...

عفاف : وجيه ... من الاعيان ...

(نبيل بك يدير لها ظهره وهو ينقح متضايقا)

ذهب أفندى : (لنبيل بك) لو كان معنا كتشينه

ما كناش اتدايننا كده ... !

نبيل بك : كتشينه ؟ وحتلائي مين تلب وياه ؟

(يأخذ ذهب أفندي جانبا) ولكن احنا لسه ما خلاصناش
من الحكاية إياها ...

عفاف : (لذهب أفندي) أنا معاهي كتشينه... تذهب يا بيه

ذهب أفندي : (لعفاف) عال خالص ، ألب أوى ...

بس استنيتني شو به لما أخا ص من موضوع صغير مع سعادة البيه ...

(يشير إلى نبيل بك) سعادته نبيل بيه من أعيان جاردن سقى

بهجت الناعم : اللي جنب مستشفى الأصر العيني ...

بسبوسة : مستشفى الأصر العيني ... ياد هوتي . يا نصيبتي

(توجه إلى عميشه مستنجدة به وهو يضحك ببلاهة)

عفاف : (لنبيل بك) حصل لنا الشرف يا بيه !

نبيل بك : ممنون يا آنسة (ثم يلتفت إلى ذهب أفندي)

بهجت الناعم : (لعفاف) تعالى نذهب سوا ... بس على

شرط ، الغالب يطلب من المغلوب كل اللي هو عايزه... والمغلوب

يطاوع ما يتولش بم ...

عفاف : الشرط نور ... أنا إبلت (تضحك ضحكة

لها مفاها)

شكيب : (لحاسن) يلاّ بنا نتفّرج يا محاسن
(يأخذها من يدها وهي تمنع)

ذهب أفندي : (جانبا) . يا سعادة البية المبلغ تحت تصرفك .
نبيل بك : ديّوأت ... ؟

ذهب أفندي : تحت تصرفك في أيّ وأت (نبيل بك)

وذهب أفندي يتساران . ذهب أفندي يلمح في أصبع
نبيل بك خاتما عينا ، يمسك يد نبيل بك ويطيل النظر
إلى الخاتم .)

نبيل بك : لا ... لا ... مش ممكن ...

ذهب أفندي : أنا بتفّرج بس ...

نبيل بك : إذا كان أصدك الفرجه مفيش مانع

عندي ... خد ... (يخاع الخاتم من أصبعه ، ويناوله ذهب

أفندي فيدقق فيه النظر ...)

ذهب أفندي : مايساويش في الوأت الحاضر أكثر من

خمس مية جنيه ...

نبيل بك : بتقول إيه ؟ خمس مية جنيه ... مايتلش عن

خمس مية جنيه أو ألف .. انت مش واخذ بالك انه فص واحد

سو لتير ... مفيش فيه أى عيب ...

(ذهب افندى يضمه فى أصبعه ، ويديم التدقيق فيه ،

ثم يخرج محفظته ويمد الأوراق المالية ... مفاوضة لا تخلو

من حدة بين كايها ... تنتهى المفاوضة بان يمضى نبيل بك

ورقة ، ويأخذ النقود ، وذهب افندى يبقى الخاتم فى أصبعه)

(قشقوش يضرب بفرجونه صندوقه ، ويقصد الى شكيب)

قسقوش : (لشكيب) ألمع الجزمه يا معادة اليه ... ؟

عندى جريفن أصلى ... ربنا يديم عزلك يا ييه ...

(يضع الصندوق على مقربة من قدم شكيب)

شكيب : (ينظر الى خطيئته محاسن ، ويكلمها بتلطف)

تحي تسحى جزمتك ؟

محاسن : لأ ما أحبش ... ما أحبش حاجه يا أنخى ... اعمل

دعروف واسكت عنى ...

(تذهب محاسن الى مكانها الاول : يتبعها شكيب . . .)

ياترى انت فين دلوات ياماما ؟

بسبوسة : (واضعة يدها على خدها) ياترى انت فين يا حبة

عينى يافتوه ؟

القولى : (يسكها من قفاها ويهزها) يا وليه أنا أريتك
وحنضيتك وأت لك ما تنطيش بكلمة فتوه ... أنا
حد شديش بافونتك إن عديتها على لسانك ... !

بسبوسة : طيب ياسيدي طيب ... (تلمبث بالشيخ

عميشة وتقبل ركبته منحنية تنتحب) اعمل فيته معروف
ياسيدي الشيخ نجى لى الواد رينا فايرميك فى ديتته !
نديل بك : سكتوا الوليه المهورسه دى ... دا عياطها بيخانى
اترفز خالص ...

(القولى يسترسل فى ضحك عال)

ذهب أفندى : (بسبوسة) سعادة البيه يثول لك اسكتى
بلاش خوتة دماغ ... !
بسبوسة : حاضر ياسيدي حاضر ...

(تفمخ بالبكاء وهى محنية على قدمى الشيخ عميشة)
يأتى قشقوش ماسح الأُحذية ويتبرك بالشيخ ماسحاً يده
على ثوبه)

فهم الخشن : (لنديل بك وهو يشير إلى عميشة وقشقوش
وبسبوسة) بص يا بيه بص ... بزومتك مش منظر من مناظر

القرون الوسطى؟ إله مزيف بين اثنين من اللى يعبده ...
نبيل بك : فى الحقيته ان دا شىء مخجل جداً ...
فهيم الخشن : دا كاهن التعاليم الدينية اللى بتسمم العقول
وتخلى الجماعة المفلين دول يخضعوا لها .
بهجت الناعم : (ياتفت اليه وقد سكت عن اللعب وقتنا)
دى كلها خرافات مالهاش دعوه بالدين أبداً ...
فهيم الخشن : آهى نوع من العباده والسلام .
بهجت الناعم : العباده فى حقيته أمرها رياضه نفسه كويسه
ها فيش منها ضرر ...
فهيم الخشن : آهى كلها خزعبلات يا حضرة !
الفولى : (لههيم الخشن) إيه هو الكلام ده اللى عمالين
تتفلسفوا بيه ، دا احنا هنا على كف عفريت يا رحمن يا رحيم .
اعتبروا ، وأولوا يا رب ! يا منجى !
فهيم الخشن : (لههجت الناعم) أنا حر الضمير يا حضرة
ها أخضعش إلا لسلطان على ...
(نبيل بك ودهب أفندى يضحكان سخريه من بهجت
الناعم . الفولى يخطر ذهاباً وإياباً وهو يقتل شاربه ...)
بهجت الناعم : حر الضمير ! لا مؤاخذه يا أستاذ ! اللعب
أحسن من الكلام فى الحاجات دى ...

عفاف : (لهجت الناعم) إلا والنبي سلطان عأله ده يساوى إيه

بهجت : (لعفاف وقد عاد إلى اللعب) أهو أدامك أسأليه

(يأتى قشقوش ويمرض على بهجت الناعم وعفاف

أن يمسح لها الحذاء . عفاف تضحك وتضع قدمها على

الصندوق ، ويبدأ قشقوش في المسح ...)

قسقوش : (لعفاف) وحياة مأم النبي ما أنسى طول حياتي

يوم ما سمعت سعادتك في الرديو وأنا فى أهوة المعلم خليفه بتغني

دور : « ياللي سئيتنى الغرام ... » دى الحته كلها كانت مكبكة

على الأهو ولحد المعلم ، اخاف من الزحمة بعث جاب عسكر يفرءوا

الحلاء ... !

بهجت الناعم : شايته ؟ ... انتصار على طول الخط ...

(عفاف تضحك .. قشقوش يخرج من جيبيه أداة موسيقية

صغيرة للفم ، ويبدأ يصفر فيها لحن : ياللي سئيتنى الغرام)

بهجت الناعم : (لعفاف) يعنى فيها إيه لو غنيت لنا الدورده ؟

عفاف : ياسلام يا بهجت ! أغنى فى الخبأ ، أما عباره ... !

القولى : وليه لا ياست ؟ هو عيب ... وليه مانبيتنش اننا

يعدعان ألوبنا من حديد ، مانخافش لا غارات ولا دياولو ...

فشقوش : (الفولي) يسلم منك يا معلم... آهي كده الفتونه...

أبوه لازم الست تفني على حسنك يا معلم...

بهجت : (عفاف) أنا حاظبط لك الوحده بالنار زي كده

(ينقر على خشب المقعد)

(الفولي يتقدم من عفاف ويلبح عليها في الرجاء... هي

تضحك...)

فهم الخشن : (مغمضاً) أما صبدأ اللي آل ان الانسان

حيوان طروب...

(عفاف تفني :)

يا للى	سئيتنى	الفرام	إملا	كان	كاسى
نسيت	عهودى	أوام	ونا	الللى	مش ناسى
حرمت	عينى	المنام	يا ألبك	الآسى	

ياللى	جمالك	فتنى	أدى	زكاة	الجمال
ياما	نديتك	يلحنى	كفايه	منك	دلال
إنبت	خيالك	يزرنى	يشوف	أصداده	خيال

ياللى	وصالك	دوا	هجرك	شغل	بالى
أرحم	فؤاد	انكوى	واعطف	على	حالى
شفت	الحباب	سوا	عوبالى	،	عوبالى

(الجمع يلتف حولها، تبدو حركات طرب من الفول
وقشقوش ودهب افندي الذي نراه يتمايل طرباً ويحرق
في الخاتم الذي أخذه من نبيل بك ...)

(ينتهي الغناء، فيصفق الجمع في خفة، أما نبيل بك
فيظهر تصفيقه في عظمة وهو يضحك ضحكته الأرسقراطية)
بهجت الناعم : (لقشقوش) واد يا أشقوش ... اشتغل

يا واد بالمزيكه بتاعتك ... (لعفاف) مش نثوم رؤوس ؟

(يرقصان، يشيع الجبور بين الحاضرين)

شكيب : (خطيبته محاسن) يا بختهم ... ياما بتمني

وياك رأسه زي دي ...!

محاسن : إنت فاكرني زي البنات بتاعت التياترات دي ؟

لا، أنا مش من دول ... أوم أرؤص معاها إن كانت

على كيفك ...!

شكيب : بثولك عاوز أرؤص معاك انت ...

محاسن : معايا هنا ؟ ليه ؟ جرى لعآلك إيه ؟ أرؤص

أدّام الناس دول ؟ ياسلام ! ياسلام !

شكيب : إنت أصدك تضييهم الفرصه الحلوه دي . دا

الرأص متحرم علينا بأمر أمك وأبوك، واحنا هنا ما حدش
تعرّفنا ... يلا يلا ... نخلينا نفرقتش!

محاسن : سيبي ... ألت لك سيبي ...!

بهجت الناعم : (لمحاسن وهو مايزال يرقص) الهانم

مش راضيه ترؤص ليه؟ هو الرأص مش أحسن من أعدتها
كده مد آياها نفسها؟!

(محاسن تشيح بوجهها عن بهجت الناعم)

نبيل بك : ماشاء الله، ماشاء الله، ...! الخبأ إنألب

كباريه ...!

فهم الخشن : الخئيئه يا حضرة أنها إلهة أدب فوء الحمد...

إيه العراء بينهم وبين الأروود؟

(تسمع بفتة صبيحة استغاثة من ناحية الشيخ عميشة)

دهب افندى : (وقد دب الرعب في قلبه) إيه اللي

جوى ...؟ إيه اللي جوى ...؟

(الشيخ عميشة مسترسل في استغائته، يجتمع عليه من

في الخبأ متنائلين : ماذا جوى؟ ماذا جوى؟ شكيب

ومحاسن يقومان أيضا ليريا ما الخبر، ولكنهما دائما بصيدان

عن الجمع ...)

(الشيخ عميشة يشير إشارات بأنه جائع ، نبيل بك
ودهب افندى وفهم الخشن يضجون بالسخط ...)
القولى : (وقد أطلق ضحككة ساخرة) عايز يا كل جناب
حضرته ... !

(عفاف ومهجت الناعم يتسمان . قشقوش وبسبوسة
مهتان بأمر الشيخ ... شكيب ومحاسن يعودان إلى مكانهما
السابق ويجلسان كأنهما تمثالان)

بسبوسة : (تنظر إلى الجمع فى استرحام) ما فيش معاكم
حاجة تناكل ... رغيف عيش لسيدنا الشيخ يا أهل الاحسان
(الشيخ عميشة يصرخ وهو يشير إلى أنه جائع)
بسبوسة : يا ترى انت جعان ولا عطشان يا ابن بنتى يا فتى ..
تنظر إلى القولى) يا كبدى .

(قشقوش يسر كلمات فى أذن بسبوسة . يلاحظ ذلك
القولى . تقوم بسبوسة إلى القولى . وتقول له :)
والنبي ياخويا تحسن على سيدى الشيخ بسبيطه واحده
من اللى معاك ... سبيطه واحده ينوبك سواب كبير من عند
ربنا ، وينجيك من كل ديته ...

القولى : (لا يهتم بقولها ويتجه نحو قشقوش فيمسكه
من قفاه ، ويرفمه عن الأرض ، ويكيل له الالكيات ...)
أنا شفتك وانت بتقول لها يا أشوش الكلب !
قسقوش : (وهو يعول) وحياة راس النبي يا معلم ما ألت
لها حاجة ...

القولى : (وهو مستمر فى ضربه) يقول لك شفتك بحوز
عنى ... يعنى أنا كذاب ؟ ولا عميت ؟
قسقوش : طب معلمش ... تبت والنبي ...

(نبيل بك وذهب افندى وفهيم الحشن يضجون
بالضحك . بهجت الناعم متأفف . القولى يترك قشقوش
أخيراً ، فيذهب نحو بهجت الناعم وعفاف فى انكسار .)
بهجت : معلمش يا أشوش ... تعيش وتأخذ غيرها ...
تعالى امسح جزمة الهانم ... (عفاف تضع قدمها على

الصندوق)

قسقوش : أنا مش زعلان يا بيه ... دا معلمى وبيربنى
بسبوسة : (للقولى) بأ ياخويا مش تحن على عم الشيخ
عميشه بسميطة واحده ...

القولى : والسميطة دى يعنى مالهاش تمن ... ؟

بسبوسة : دا ولى ياخويا من بتوع ربنا ... وراجل على
باب الله ، دى تباى لك سواب كبير أوى ... !

الفولى : (يصيح) وهو دا فقير ؟ أمال فين الفلوس اللي
بتنتز عليه كل يوم ؟ أيوه بيكزها تحت البلاطه ... انت سامعه
يا وليه ؟ تحت البلاطه ؟

بسبوسة : بلاطه ؟ فين هي البلاطه دي ؟ هو حتى له بيت
بيتاويه ؟ يا شيخ أول كلام غيرده ... !

الفولى : يا ولية سدّئني ده عايم ذهب ومخبيه تحت البلاطه ...
(ذهب أفندى يرف أذنيه عند سماعه ذلك ...)

ويتقدم من الفولى)

ذهب أفندى : ذهب تحت البلاطه ؟ هو ... بالزعه ؟

الفولى : وراس أبويا الغالى ... !

ذهب أفندى : (بصوت خفيض) وهو ساكن فين ؟

الفولى : ساكن فين ؟ هاها ... تكونشى حضرتك فاكرنى

شيخ حاره ... ؟

ذهب أفندى : (يعود أدراجه وهو يغمغم) ذهب تحت

البلاطه ... دا لازم حرامي ... أنا أبلغ عنه البوليس ...

بسبوسة : (تتقدم من الفولي) السميطة بكام ؟

الفولي : (بفطرسية) بارش ساغ !

بسبوسة : بارش ساغ ؟ ... بعشره مليم ... ؟

(الشيخ عميشة يصيح طالباً الأكل)

بسبوسة : (تعد مامها من الملائم ، ثم تناول الفولي إياها)

آدى خمسة مليم أهم ... بزياده كده !

الفولي : ألت لك بارش ساغ ... كاه واحدده ... !

برفكس ... !

بسبوسة : (تدخل يدها ثانياً في جيبها وتدفع له ما طلب)

آدى خمسة مليم تانيين ... إانت بتعمل كده ليه ؟! سداً اللى

آل : بضاعه ، والناس جواعه ... هات السميطة بأه ... !!

(الفولي يعطيها الكعكة فتهرع بها إلى الشيخ عميشة)

فياًخذها منها بلهفة ، ويلتهمها ...)

بسبوسة : ياترى ابن بنتى جعان ولا عطشان ... ادعى له

والنبي يا شيخ عميشه ... !

(الشيخ عميشة يفهم بأصوات غريبة ، وقد حشا)

فمه بلهمة ضخمة . بسبوسة تقبل يده)

نبيل بك : (ينظر إلى الشيخ عميشة وبسبوسة)

لو كنت دكتاتور في البلد دي ما كنتش عتأت الجماعة اللي
يرسلوا دل عن ضرب الرصاص ..!

فهم الخشن : الرصاص شويه عليهم ، دول لازم يتحرءوا

بالكروسين ، علشان البلد تنصف من البلاوى دي . .

ذهب افندى : و ضرورى نستولى على كنوزهم اللي

بيخبوها تحت البلاط ، علشان الناس يستنفعوا بيها ...!

قشقوش : (لبسبوسة جانباً) خالى بسبوسه . . دا انت

حيكون لك سواب كبير أوى عند ربنا عشان الكحكة اللي

حنيت بيها على الشيخ عميشه .. يا بخت مين بيت الجعان شعبان ..!

(فهم الخشن يستمع إلى حديث قشقوش ويضحك

في استهزاء)

بسبوسة : (مغممة) سواب كبير . . ؟

قشقوش : معلوم ، دا انت حيتبني لك أصر على في الجنه ..!

(فهم الخشن يضحك ضحكة استهزاء)

عفاف : (لهجت الناعم) أف . . إمتى بأ ياربى نسمع

صفارة الأمان ... ؟

بهجت الناعم : أوه . . يادوبك خمس دآيء كان . . !

(ميتسا) انت ادّايتت من أعادك جنبي ؟
عفاف : لأ ما ادّايتش بس أحب أعّد ويالك في حته غيردى
بهجت الناعم : أنا حباى ازورك في البيت . .
عفاف : أهلا وسهلا . . مرحبا بك . . ا

(بهجت الناعم يشير إلى قشقوش أن يأتي فيهرع
إليه ، فيسر إليه أمراً ، فيخرج قشقوش الآلة الموسيقية
ويغزف عليها . يقوم بهجت الناعم وعفاف إلى الرقص ،
ويتبادلات القبلات ، يدب الحماس في قلب شكيب ،
فيحتضن خطيبته على حين غفلة ، ويقبلها قبلة جامحة . .)
محاسن : (تصفع خطيبها وتقوم مهرولة نحو الباب)
مش ممكن أأعد هنا بعد كده . . . مش ممكن أبداً . . . ا
(شكيب يسرع خلفها . لا يستطيع إدراكها . يختفيان وهما
يصمدان في الدرج)

نذيل بك : (ناظراً إلى محاسن وشكيب ، ومخاطبها
ذهب افندى) واحنا آعدين ليه؟ ما تيلّا نخرج احنا رخرين . .
ذهب افندى : (بتردد) أظن ما فيش ضرر . . . بس
البو ليس ع الباب . . !

نبيل بك : يا سيدى نتفاهم وياهم . . . سهرة الككوب
ضاعت على . . . !

(يهرعان ناحية السلم ، ويصعدان فى الدرج . فهمم

الخشن متردد . . .)

بسبوسة : (للشيخ عميشة) الناس بيتحولوا واحد ورا

واحد واحنا حننعد نعمل إيه ؟ ما تيلاً بينا يا شيخ عميشه . . . ؟

(يتمايل كل منهما على صاحبه ، ويقصدان باب الخروج .

فهمم الخشن يعتزم أخيراً أن يترك المكان ، يلحق بمن

خرج . القولى يحمل سائته ويخرج)

قشقوش : (مائتفا إلى عفاف وبهجت الناعم) الله . . .

تكونش الصفاره ضربت ولا سمعناش ؟ . . .

عفاف : صحيح ! . . . يلا بينا يلا . . .

(يخرج بهجت الناعم وعفاف وقشقوش ، ولا يكادون

يصلون إلى السلم حتى تسمع فرقعة عظيمة . يقفون جزعين

مرهقين الآذان ، فرقعة أخرى أشد من الأولى ، تتبعها

فرقعات أخرى متتالية . . .)

قشقوش : (صائحاً) أنا بل . . . أنا بل . . .

(بهجت الناعم يعود إلى موضعه . عفاف يعتريها نوع

من الخبل . تنظر حولها جزعة)

بهجت الناعم : (لعفاف) ما تخافيش ...

(بهجت الناعم يربت كتفها ، مطمئنا إياها . يلف

ذراعها حولها ...)

عفاف : (وهى ما زالت جزعة) يا ترى أنابل بجأ

وحنئيء !! ?

بهجت الناعم : (مداعبا) على أى حال ما هياش سواربخ

مولد النبي ... !

عفاف : يا حوستى . : بأ أنابل صحيح ... !!

بهجت الناعم : (فى جد مخلوط بسخرية) باين يا عفاف

الحرب ابتدت جد ... !

(تعود بسبوسة والشيخ عميشة فى عجلة . بسبوسة

تنظر حولها نظرات مخبول ، أما الشيخ عميشة فيشرق

وجهه وتلمع عيناه ، ويممه النشاط)

(تسمع فرقعات أخرى . المكان يتزلزل)

(عفاف تخفى وجهها فى يديها ... بهجت الناعم يحاول

عَبثًا أَنْ يَسْرَى عَنْهَا ...)

قشقوش : (يصيح بانفعال يخالطه شيء من السرور)

أنا بل ... أنا بل ... (الشيخ عميشة يتصايح ويصفق بيديه

طرباً . بسبوسة تنطلق تتلو دعواتها ، وتبتهل إلى الله

وتناجي الشيخ عميشة ، ولكنه يتركها ويقوم مع قشقوش

بجولان في الخبأ ...)

(يعود الفولي ، وهو في حالة ارتباك يحاول إخفاء

ذعره فلا يقدر . نبيل بك وذهب أفندي يدخلان في

في سرعة واضطراب ، ذهب أفندي قابض على يد نبيل

بك وهو يرتجف ، نبيل بك يحاول الظهور جهده إمكانيه

بمظهر الشجاع ، ولكن صوته يخونه ...)

نبيل بك (لذهب أفندي) : يا أخي قلت لك سيب إيدي

ذهب أفندي : الأنا بل عماله تتحدف ياسعادة البيه !

نبيل بك : طيب وعاوز مني أعمل لك إيه ؟

ذهب أفندي : بس نكون سوا ... إنت في جيبك مبلغ

كويس ... ندور لنا على مكان أمين

(الفولي يقعد القرفصاء صامتاً في ركن وبجواره سلته ..)

قشقوش : (عمر به) مالك يا معلم ؟

(الفولي ينظر اليه ولا يجيب)

قشقوش : (بسرور) دي أنا بلُ يا معلم ... أنا بلُ ...

ما تيجي نأرب شو به من الباب عشان تفرج كويس ...

الفولي : ابعدي عني ... !

قشقوش : بيثولوا إننا بتدخلنا السما نجففة متأاده ...

ويشأى شكها أبه خالص يا معلم ... !

الفولي : (يصبح متضايقا) ألت لك سميني ف جالي ..

(قشقوش يتعد عن الفولي ، ويذهب يتكلم لحظة

مع بهجت الناعم . يدخل وقتئذ شكيب حاملا محاسن

وهي في حالة إغماء ، يرقد لها على الدكة ويسند رأسها بذراعه ،

تسود حر كانه الارتباك ، يدنو منه بهجت الناعم وكذلك

قشقوش — الآخرون يتظلمون ...)

شكيب : (في حيرة وبلبلة) إز يَكْ دلوات يا محاسن ؟

بعدي الشر عليكى ... فتوئي يا حبيبتى ... أنت معايا ...

معايا أنا ...

بهجت الناعم : (لشكيب) هي الآنسه جري لها حاجة
لا سمح الله ... ؟

شكيب : والله مانا عارف ... (يعود إلى محاسن)
إنت حساً بحاجة يا محاسن ؟ إتكمسى ... عشان خاطرى
اتكمسى ... !

(بهجت الناعم يتفحص الفتاة على عجل ، يبذل مجهوداً
لا يقاظها . يبحث في محفظتها عن شيء فيجد زجاجة عطر
صغيرة ، فيخرجها ويدنئها من أنفها وهو يفرك يديها)
شكيب : دي كانت بتجري على آخر عزمها ، و كنت
بجري وراها عشان الحأها ، وسكعنا الأنايل بتفراع ...
خايف يكون جه فيها طراطيش من البلاوى دي ... ولكن
الحمد لله ... ألبسها بيد ...

بهجت الناعم : ما تخافش ... ما فيش حاجة جرت لها ...
بص ، أهى ابتدت تسفوء ... !

شكيب : (صائحاً) محاسن ... محاسن ... حبيبتي

محاسن ...

محاسن : (تحديق في شكيب) إيه اللي جرى ... ؟

شكيب : الحمد لله ... ما جرت الكيش حاجة ... ؟

(تسمع أصوات قنابل بشدة)

قشقوش : (صائحاً) أنا بل ... أنا بل ..

(الشيخ عميشه يطلق الأغاريد ، وهو يجول مع

قشقوش في الخبأ . بسبوسة في ركن منفرد مسترسلة

في دعواتها الحارة . ذهب أفندي يسد أذنيه بأصبعيه ...

عفاف تنظر حولها في حيرة ...)

نبيل بك : (في صوت مختلف فيه رنة استعطاف ،

موجها كلامه إلى عميشة وقشقوش) اسكتوا يا جماعة .. !

اسكتوا يا ناس .. !

محاسن : (تلصق بشكيب) ماتسيينديش .. ماتسيينديش ..

يس ما تترأش في كده ... ! (تقول ذلك وهي ترداد

التصاقاً به)

شكيب : (وقد قام مع محاسن يقصصان ركنهما

المهرد — يلتفت إلى بهجت الناعم ويقول له) مرسي يا بيه ..

مرسي أوى ...

يهيجت الناعم : العفو يا أخ ... دا شيء واجب ...
(يدخل فهيم الخشن مسرولا جزعا ، وقد تلطخت
ثيابه بالوحل ، ووجهه ويداه بهما بمض الجراح ...)
فهيم الخشن : (وهو لا يدري أين يختبئ) شيء فظيع ،
فظيع خالص ...

نبيل بك : (بصوت متقطع النبرات) إيه ؟ أصدك إيه ؟
أول لنا ... ؟ !

فهيم الخشن : (يتلع ريقه ، ويمسح وجهه بمنديله)
معرفة في الجو نهايله جداً ... حاجه فتوء الوصف .. !
الفولى : (كأنه يحدث نفسه) يا ساتر استر .. !
(بسبوسة تقصد إلى الفولى وتجلس بجواره لتأنس
بوجوده بقربها . مازالت تدعو وتبهل . ينظر إليها الفولى
مستمطفا ، ويقول) ادعى لنا يا خالتى ... من بؤك
ثباب السما إن شاء الله ... !

نبيل بك : (لفهيم الخشن) يظهر ان الحالة شديده أوى
فهيم الخشن : ما فيش أشد من كده ... !

(كلهم مرهفوا الأذان لسماع حديث فهم الخشن)

حتى الشيخ عميشة فمه مفتوح ووجهه سهل ...)

ذهب أفندي : (لهيم الخشن) إنت بتقول شوويه

يا أستاذ ... !!

فهم الخشن : أؤكد لىكم انى ما بهوش أبدأ ... وإن

الطيارات اللى بتهاجم يستنشن على سخته مخصوصه ، والحته
دى هنا ...

(يقول ذلك وهو يشير بإصبعه إلى فوق)

نبيل بك : (فزعه يزداد) أصدك إيه بالكلام ده

هنا فين ؟

فهم الخشن : أيوه هنا ... هنا ... يا حضرة زى ما بتو لك

كده ...

(عميشة يطلق أغرودة وقشقوش يتصايح)

نبيل بك : (يصيح) إعملوا معروف ماتميصوش كده ... !

(قشقوش يصمر خده بجرأة ، ولا يعنيه شىء من

قول نبيل بك)

بهجت الناعم : (لفهم الخشن) عايز حضرتك تقول انهم

آصدين المخبأ نمرة ١٣ بعينه ؟

ذهب أفندى : مش مهتول ، دا كلام ما ينالش !

فهم الخشن : مش المخبأ نفسه ، ولسكن الحته اللي فيها

المخبأ ، يعنى بالعربي آصدين الماره الكبيره اللي جنبنا ...
ما شفتو هاش وانتو داخلين؟! أنا سمعت الناس بتقول كده!

ذهب أفندى : (وقد تثبت بيد زبيل يك) لا ، لا مش

ممكن الكلام ده يخش العأل ... !

محاسن : (لشكيب) أنا خايفه ... خايفه ... آه يارب ، وش

جانبنا هنا ورمانا الرمييه السوده دي ؟!

(ياف ذراءه حولها . محاسن لا تمنع ... شكيب

يسح وجهها ويروح)

(صوت قنابل أشد من ذى قبل ، يتبعه صوت

أكثر شدة ..)

الفولى : يارب استرها يارب ... ياخفي الأطفاف ، نجنا مما نخاف .!

قشقوش : (متحمسا) تعا نخرج ع الباب نتفرج يا معلم

الفولى : اعمل معروف سيبنى يا أشقوش ... !

بهجت الناعم : و ليہ ماتر و حش و ياه تنفرج يافتوة الحته
ياسبع .. ؟ !

القولى : يابيه احنا ف ايه ولا ف ايه ؟ اول معايا يارب
افرجهما على عبيدك الغلابه ...

(قشقوش يضحك ويقصد مع عميشة إلى باب
الخبأ .. يختفيان)

فريم الخشن : (وقد التصق بالجدار) داصوت الأنايل
كل مادہ ييارب .. ياناس ماتلموا فى حته واحده ..
بهجت الناعم : (فى تهكم) نتلم ف حته واحده ؟ .. و نظام
الطبقات يا أستاذ .. ؟ !

دهب افندى : لازم الجماعة دول اتجننوا ..

عفاف : (مبتهالة) ياست زينب ياطهره .. نظره !

بهجت الناعم : (يداعب عفاف ، فتسحب يدها منه فى

هدوء ، ينظر اليها متعجباً ، ثم يلتفت إلى الجمع)

ليه يعنى الخوف ده كله .. مش آخر ما عندهم إننا نموت ؟

(يقول ذلك بلهجة مألوفة)

عفاف : نموت ؟ !

بهجت الناعم : وهوّ فيه ألد من إني أموت وانت كده
بين أحضانني ؟ ! ياسلام على دي موته غاليه . . . !

(يريد أن يقبل يد عفاف ، فتمنمها عنه ، ثم
تستغرق في كآبة صامتة)

(شكيب يمسك يد محاسن ويقبأها ، لا تمنع .)

نبيل بك : شىء عجيب ..

فهم الخشن : (مهمهما) الموت ... الموت (يصبح)

لا . . . لا . . .

ذهب أفندي : وازاي يجينا الموت واحنا في مخبأ زي ده . !

بهجت الناعم : وهو المخبأ حيجوش الهلاك اللي بترمييه

الطيارات ؟ .. إنت ما سمعتش الاستاز وهو بيثول انهم آصدين

الخته دي بهينها ؟ !

القولى : ما تنفّ من بُؤك يا شيخ ، وتسيبونا من الكلام

ده . . أول يامنجى ارحمنا برحمتك . . . !

(يشترك هو وبسبوسة في الابتهاال)

فهم الخشن : (مغممها) عايزين يهدوا العمارة اللي جنبنا

بايخلوش فيها حاجه . . آدي اللي الناس بيثولوه . . . ! ولكن

احنا هنا ف أمان . . .

ذهب أفندي : أمار إيه ؟ . . هو ده اسمه كلام ؟ . .

دا مخبأ مش لعبه . . !

(في هذه اللحظة يسمع إطلاق القنابل بشدة .

يسقط من سقف المخبأ التراب وبعض الحجارة . يسمع

صوت بناء يتهدم . ضيوف المخبأ في حالة فزع ، يلتصقون

بالجدران . يتوالي صوت الهدم بعنف . المكان يتزلزل

بقوة : قشقوش والشيخ عميشة يعودان مهرولين ، وملايسهما

مفجرة . نرى خلفهما قطعا من الحجارة بين كبيرة وصغيرة

تنهال على المخبأ من الباب ، يتبعها سيل من التراب)

قسقوش : (يصيح جادا) العمارة اللي جنبنا اطر بئت

علينا . . . !

(لا يسكاد الشيخ عميشة يطلق أغرودة حتى يصيح

قسقوش صبيحة الأمر :)

اخرس يار اجل انتة . . بلاش خوته !

(ينظر اليه الشيخ عميشة متسائلا ، ثم ينكمش . باب

المخبأ يتهدم وينسد كله . يتشقق بعض أجزاء من سقف المخبأ

وينهار منه التراب ، قشقوش يصيح :
أحنا حنتردم ونهيش تحت التراب إن ما كناش نلحاً نصلب
سأف الخبأ . .

مهجت الناعم : وحنصنابه بايه ؟
قسقوش : أناشايف هنا شوية لوح و عروء خشب فاضله
يظهر البنابين ما كانواش كلوا الشغل . .

(يهرع إلى مكان مهجور في الخبأ به بعض ألواح
وقوأم من الخشب ، والجمع كله خلفه ، يعودون وهم مهم
الألواح والقوأم . يشتغلون بهمة في وضعها لتقوية سقف
الخبأ وحواشيه وجوانبه . قشقوش يزعم عليهم)
بزياده كده . . آهو دلوات بأعال . . !

(ضيوف الخبأ يجففون عرقهم ويستر يحون)

الفولى : تفتكر كده يا أشئوش ؟
قسقوش : أهال ... السأف دلوات يستحمل تؤل العماره
اللى مكر بسه عليه

فهم الخشن : (يقصد ناحية الباب . يعود في حالة عصبية
شديدة) الخكايه مش حكاية العماره اللى فوء دماغنا دلوات ...

المسألة نخرج إزاي؟ ونطلع منين؟ ما فيش باب!
ذهب أفندي: (مبايل الفكر) وانت عايزنا نخرج ليه؟
فهم الخشن: (يصيح صياح البكاء) إحنا اندفنا بالحيا...
وخلص...!

(صمت مرهوب)

ذهب أفندي: (يحدق لحظة في وجه فهم الخشن، ثم
رف عيناه، وتقلص عضلاته، ويتكلم كأنه يحدث نفسه)
اندفنا بالحيا؟ الكلام دا إيد؟
(يظل وقتا وهو يُظر نظرا تأمها، ثم يديده بفتة إلى
جيبه، وفي سرعة البرق يخرج محفظته ويقلب أوراقها مغمضا)
عشر كبيالات مستحقة الدفع بعد يومين...

(ينظر إلى فهم الخشن ثانيا ويقول:)

وازاي اندفنا بالحيا... كلام فارغ... دي أو هام... لازم
حنخرج... لازم...!

(نبيل بك وبهجت الناعم وقشقوش يذهبون

ناحية الباب ويتفحصونه ثم يعودون يأسين. قشقوش

يتركهم ويجول في أنحاء المخيم متفقداً فأحصا ...)

نبيل بك : (وهو لا يستطيع ضبط عواطفه) صحيح إحنا

اندفنا بالحيا ...

بهجت الناعم : (في لهجة يأس ساخر) العارة انحطت على

روستا ... مين كان عارف كان فيما أد إيه ... يعني دلوات لازم
يكون فوءنا تُرب ... !

الفولي : (مسترحماً) مفيش حاجة ننجي بيها يا خلا ؟

بسبوسة : (مسترحمة معه) والنبي حرام نموت الموتة دي

يا كهدي علينا ... ياناس دورُوا لنا على حاجة نتخلص بيها من
الديئة اللي إحنا فيها ...

بهجت الناعم : (في لهجته السابقة) مفيش غير حيله واحده ...

ذهب أفندي : (في لهفة) إيه هي ؟

بهجت الناعم : إننا نستنى بختنا ...

نبيل بك : نستنى ؟ إيه الكلام ده ؟ ... لازم نجتهد لحسد

مانشوف لنا سكة تورينا النور ، مش نُعد مكتفين كده ...

ذهب أفندي : (مهتاجاً) أيوه ... أيوه ... أمال ، لازم

تفكر ، لازم نشوف لنا طريقه ... !

محاسن : (لشكيب) نفسي مداني ... أنا مخنوءه ...

(محاسن على وشك الاغواء)

شكيب : (وقد أسند محاسن إلى صدره ، ينشقها من

زجاجة المطر الصغيرة ، ويقول بصوت مرتجف)

خدى شمي ... شمي ... ما تخافيش أبدأ يا محاسن ... أنا جنبك ...

(ينشق هو أيضاً من الزجاجة ، وبروح وجهه بالمدبيل)

بهجت الناعم : (انبديل بك) عايز سعادتك تخاخص من الزناة

اللي إحنا فيها دي طيب ، جرب !

ذهب أفندي : مستحيل انهم يسيبونا كده ...

فهم الخشن : لازم ييجوا يسعفونا ... أمال إيه ؟

بهجت الناعم : طبعاً حبيدجم بس مش حيلاء ونا ...

انبديل بك : مش حيلاء ونا ... إزاي ؟ أمال خنروح فين ؟

بهجت الناعم : خنكون في عالم آخر ياسعادة البيه ؟

انبديل بك وفهم الخشن : (في احتجاج) أوه... أوه ...

بهجت الناعم : دي حرب مش لعب يا بهوات .. !

ذهب أفندي : (وهو يروح ويجيء مهتاجاً مذعوراً)

الحرب .. الحرب .. داهية الدواهي .. خراب بيوت الناس

وضياع ما لهم .. (يخرج محفوظته ثانيا ، ويقاب الصكوك)
ويقول في صوت الباكي : (خراب بيوت الناس وضياع
ما لهم ...)

(يتهد ويخيم عليه اليأس الشديد)

عفاف : (ليهجت الناعم) إانت بتكلم جد ولا بتهزر ؟
بهجت الناعم : به-زّر يا عفاف ؟ هوّ ده وأته ؟ .. إن
كنت سدأت مرة في حياتي تكون هي المرة دي !

قشقوش : (وقد عاد بعد تفقده الخبأ ، يتوسط الجمع

ويقول في ثبات :) مفيش فايدة ... خروج ما فيش ...
أحنا اتحبسنا واللى كان كان ... استنوا بآ بختكم والسلام ..

(يأخذ عصا القولي ، ويعتمد عليها في وقفته ، والجمع

صامت في كمد ويأس)

محاسن : وقد أصابها نوبة بكاء وصراخ تشبث

بشكيب ، وتضع رأسها على صدره وتقول : (إن متنا

أهو نموت سوا .. مع بعض ..)

شكيب : ماتتو ليش كده . . . بعد الشر عليك . . .
ما تخافيش . . . لازم يكونوا جاتين يسمنقونا . . . !

(بحفف وجهه بالمنديل)

(بسبوسة تقبل رأس الشيخ عميشة وتترك به ،

يقابل عملها بضحك أبله . عناف تخرج من حفظها قطعة

نقود وتذهب في صمت إلى الشيخ عميشة وتمطيه إياها .

ياخذ الشيخ عميشة القطعة وينظر فيها ثم يطبق يديه

عليها . . .)

بسبوسة : (تبحث منقبية في جيبها عن نقود ، ثم تمش

أخيراً على ملهم) خد ملهم أهو يا شيخ عميشه . . . (تمطيه

إياه) ادعى لنا ربنا يفتح لنا باب الفرج . . . !

(الشيخ عميشة يأخذ الملهم ويطبق يده عليه . . .)

نبيل بك : (على حدة ، لذهب أفندي ، مشيراً إلى

الشيخ عميشة) باين عليه راجل فقير منكسر

يستحيء الحسنة .

(يذهب إليه ويناوله قطعة نقود ، الشيخ عميشة يفعل

بها كما فعل بالقطعتين السابقتين ، وهو يهال ...)

(ذهب أفندي ينهرد بنفسه ، ويخرج نقوده الفضية ،

يهدها مترددا ، يميدها إلى جيبه ، ثم يخرجها ، ثم يعيدها .

عند ما يرجع نبيل بك يقصد إليه ...)

ذهب أفندي : (لنبيل بك) تسلفنيش إرشن تعرفه

يا بيه ؟ ما ممييش ريحة الفكك ... !

(نبيل بك تصدر منه إشارة إهمال ...)

محاسن : (لشكيب ، وهي تبحث في محفظها) مفيش

معايا أروشن أبدأ ... مش تدي الراجل الغلابان ده حاجه

سواب لله ؟

فهم الخشن : يظهر برضه أن الراجل ده مسكين ...

يستحاً الرحمة !

(شكيب يقوم إلى الشيخ عميشة ويعطيه قطعة نقود . القولي

ينتقى كمة وقطعة جنب ويذهب بهما إلى الشيخ عميشة)

القولي : (وهو يعطيه الكمة والجنب) مد إيدك يا شيخ

عميشه، كل بالهنا والشفا .. ادعي لنا ربنا ينجينا من السكر بده .!

(الشيخ عميشة ينقض على السمكة والجبن ياتهمهما)

بهجت الناعم : (للفولى) حاسب يا معلم على الكحك والجبنه

المى معاك .. لهم عوزه يا حبيبي .. مين عارف احنا حنعمد هنا
أدّ إيه ؟ !

(قشقوش يلاحظ كل ما حدث ، يتجه فى صمت الى

الفولى ، ويمسك سلاته يريد أخذها منه)

الفولى : (لقشقوش) إيه دا يا أشقوش ؟ أصدك تعمل إيه ؟

(قشقوش ينزع السلة من يد الفولى ويذهب ناحية

من الخبأ ، وتحفيها هناك . الفولى يحدث نفسه) الله !
الله ! فين السبت ؟

بهجت الناعم : فى حته مستخنيه .. تحت الحراسه يا معلم . !

(يعود قشقوش ، فلا يجرو الفولى أن يطالبه بالسلة .

الشيخ عميشة ينظر فى نقوده يتلاعب بها وقتا ، ثم يطبق
يده عليها . قشقوش يراقبه مراقبة دقيقة)

دهب أفندى : (لنبيل بك) معاك إرش تعريفه يا بيه ؟

إرش تعريفه بس .. حديهاك ساعة ما يكون وياى فكه .

نبيل بك : (وهو يبحث في جيب حذاره) ألت لك ما عنديش

أروش تهرينه . .

دهب أفندی : شوف إرش يكون هنا ولا هناك . . ولا

شوف ليه إرش ساغ . .

نبيل بك : ما فيش ياسيدي أروش ساغ . . أنا حـكـدبـا؟

دهب أفندی : طب شوف ليه نص فرنك . !

نبيل بك : وبعدها لك بأى ؟ إنت مش حاتسميني النهار ده

يا دهب أفندی ؟

دهب أفندی : ده عمل خير لوجه الله . . حينوبك سواب

أدّ ما ينوبني تمام . . ساعدني على الحكايه دي . .

نبيل بك : بخد حتته بخمسه .

دهب أفندی : عال أوى . . أهو انجل الاشكال ! . .

الراجل الغلابان ده جيفرح بيها أوى ، ويدعى لنا دعوة خير .

تأكد اني حردّها لك يا بيه . . !

(يخطو بضع خطوات . يتوقف ، يشاور عقله ، يخطو خطوتين

ويتوقف . يخرج نقوداً صغيرة من أنصاف القروش ويضع

فيها القطعة ذات خمسة القروش ، ثم يختار نصف قرش ،

يناول الشيخ عميشة إياه . يعود وهو يفرك يده ، يقول :)

احسن حاجه يعملها الانسان في عمره هي الحسنه على
الغلابه والبر بالفأرا . .

بهجت الناعم: (فهم الخشن) كاهم ادوا الشيخ عميشه

اللى إدروا عليه ، إلا انت . . . ليه ما تديلوش حاجه . . ؟

فهم الخشن : وليه يا حضرة ما اديتوش انت ؟

بهجت الناعم : أنا . . أنا أعرف ان رحمة ربنا الواحد

ما يشتريهاش بالحسنه اللى بالشكل ده . . !

فهم الخشن : (وقد أمسك بيد بهجت الناعم وضغطها

يقول في لهفة :) انت عندك ثقة برحمة الله ؟ !

بهجت الناعم: (في لهجة يقين واطمئنان وفي صوت

عملى) واثق جداً . . زىّ مانا واثق من وجودك وياى

دلوات . . !

(فهم الخشن يحدق في وجه بهجت الناعم، ثم ينطلق

يفكر، وهو رافع رأسه نحو السماء .)

ستار

الفصل الثاني

(ترفع الستارة عن المنظر السابق
بعد أربع وعشرين ساعة . ضيوف
المخبا وجوههم ثم عن إعتياد ،
ملا بسهم تجعدت . ترى الرجال قد
بدأت ذقونهم تخضر ، أما النساء
فتشمت شعورهن ، قد هيا كل فرد
له شبه مرقد من قطع خشبية أو رمل .
الجو حبيس ، الحاضرون يمسخون
وجوههم بين حين وحين . جلستهم
في تراخ ويأس . الشيخ عميشة نائم
يفظ غطيظا مزعجا . بسبوسة راقدة

قرب قدميه . الفولى مكوّم بالقرب
من بسبوسة . قشقوش جالس ينظر
حوله وقد اعتمد بجسمه على الحائط
وأمسك المصا بيده . محاسن واصنمة
رأسها على كتف شكيب . وشكيب
عاقد يديه على صدره ، وناظر إلى
السماء ...)

عفاف : (لهجت الناعم ، وهى ناظرة إلى جهة أخرى

نظرة ثابتة) يا ترى الساعة كام دلوات ... ؟

بهجت الناعم : (يخرج ساعته فى بطء ، ويلقى عليها نظرة

طويلة ، يتكلم فى إهمال) إحنا دلوات نص الليل ... !

عفاف : (وهى على حالها الأول) إزاي ؟ نص الليل .

بهجت الناعم : (بعد أن يتشاءب ، يتكلم فى لهجته

المصابقة ...) أبوه نص الليل !

عفاف : طب دحنا جينا الخبأ نص الليل ، إزاي يكون
الوأت نص الليل بأه ! ؟

بهجت الناعم : (يهرش رأسه ، يتظاهر بالتفكير)

صحيح إزاي ؟ ده لغز ... ا على كل حال فيه حاجتين ، لازم
نختار واحده منهم ...

عفاف : حاجتين ؟ حاجتين إيه ! ؟

بهجت الناعم : أول حاجة اننا نكون لسه داخلين الخبأ

دلوات ، ويادوك فات علينا دئيتته ولا اتنين ... !

نبيل بك : (من جهة أخرى ، وقد سمع الحديث)

دئيتتين بس ؟ !

بهجت الناعم : (متمها جملته) دئيتين أضيفناهم في حلم

غريب ... !

نبيل بك : حلم فظيع ، حلم هايل ... !

بهجت الناعم : (وهو ينظر أمامه) والحاجه التانيه إن

الزمن يكون اتعّطل ، والوأت وإف لا بيتأدم ولا

بيتأخر ، أمنا فضلنا في الساعه اللي احنا بيها !

نبيل بك : ياناس دى حاجه تجنن ... !

عفاف : ياترى الحئيئه إيه في الحاجتين دول ؟ !

بهجت الناعم : (يهرش رأسه مرة أخرى) يمكن انناجه

التانية هي اللي صح ... !

نبيل بك : (وقد اقترب منهما) إنتو بتكلموا بتثولوا إيه ؟

إحنا فات علمنا في الحته اللي احنا فيها أربعة وعشرين ساعة ،
ولا شفناش نور الشمس ، ولا احنا عرفنا صبح من ظهر ،
ولا نهار من ليل !

فهم الخشن : (بيأس كبير) الشمس ... ياترى حنشوفها

مره تانية ... ؟

بهجت الناعم : حنشوفها طبعاً في العالم الآخر ... بس

نلائي حجمها كبير ، ونارها حامية ... !

(فهم الخشن يحدق في بهجت الناعم ثم يرفع بصره

إلى السماء ، وأخيراً يضع رأسه بين يديه في استسلام ...)

(تقوم عناف إلى الشيخ عميشة ، وتلفطيه بشملته

في عناية)

ذهب أفندي : (وقد انتبه من نومه بغتة ، وأرهف أذنيه)

أنا سامع صوت فاس ... إياك يكونوا جاين ينجدونا ...

(الكل يرهفون الأسماع ، ما عدا عميشة وبسبوسة)

فهما لا يزالان نايمين . شكيب يترك خطيبته ويذهب
يتسمع . . .)

الفولى : (وقد انتفض واقفا) جيين ينجدوننا ...

(ينصتون ، لا يسمعون شيئاً ، يخيم عليهم اليأس)

شكيب : (وقد عاد إلى مكانه ، يجلس محنى الظهر ويدها

متدلّيتان بجانبه) ياترى حبيجو إمتى يخلصونا ؟

محاسن : (تنظر إليه طويلاً) ما يهمش ... أحبك يا شكيب

أحبك ... !

بسبوسة : (تنظره لتفتته حولها مستطاعة وتصيح في ذعر)

يا نصيبتي ... إحنالسه فى الحبأ الأسود ده ؟

الفولى : (فى يأس شديد وهو يضرب رأسه بيده)

أيوه يا خلقى بسبوسه ، لسه احنا فيه ... !

بسبوسة : (تمسك بيده ، وقد هرعت إليه) اعمل

معروف يا بنى خد إيدى واخرجنى بره !

الفولى : أخرجك بره ؟ !

بسبوسة : (وهى تشد يده) ما أدرش أعمد هنا بأه ..
نا خلاص روحى طلعت ... !

القولى : (وهو يسحب يده ويقول لها فى لهجة يأس
واستهطاف) اعلمي انت معروف وخليني ف حالى !
(بسبوسة تتعامل على نفسها وتقصد إلى نبيل بك)

بسبوسة : (لنبيل بك) وانت ياسيدى الباشا ، تعملش
معروف فييه وتخرجني بره ... ؟
نبيل بك : مش ممكن يا خالتي ... !

بسبوسة : والنبي ياسيدي الباشا تخرجني ...
(نبيل بك ينحيا جانبا فى لطف ، تنظر إلى دهب
أفندى تستمطفه ، تنحني على قدميه) أنا فى عرضك ياسيدى
دهب أفندى : العماره اللي جنبنا وئعت على دماغنا ، وادحنا
ياخالتي محبوسين هنا كلنا ...

(بسبوسة تتركه)

دهب أفندى : (وقد أخرج المحفظة من جيبه ونظر فى
الصكوك . ينتقى صكا منها ويمسك به ، يلتفت إلى

نبيل بك (تحب تكسب عشرين جنيهه فى غمضة عين .. ؟
 نبيل بك : (وهو غير ناظر اليه) عشرين جنيهه .. ؟
 ذهب أفندى : عشرين جنيهه وانت أعد أعدتك دى ؟ !
 نبيل بك : انت بتتكلم ف إيه .. ؟
 ذهب أفندى : (وقد مدله الصك ، وانحنى عليه هامسا)
 كبيالة بتلتميت جنيهه ، أبيعها لك بميتين وثمانين .. إيه رأيك
 بأه ؟ !
 نبيل بك : (ينظر الى الصك ويميده اليه) لا .. لا ...
 مش عاوز .. !
 ذهب أفندى : دى هديه بأدّمها لك. وراس أبو ربا الفالى .
 نبيل بك : (مقاطعا فى ضيق) مش عاوز .. مش عاوز .. !
 ذهب أفندى : (وهو يقاب الصك فى يده) أهو انت
 تملي كده تضيع الفرص اللي متعوضشى .. طيب إيه رأيك
 إذا بعثها لك بميتين خمسة وسبعين ؟
 نبيل بك : (يقوم تاركا إياه) ألتك مش عاوزيا أخی .
 (نبيل بك يسير جيئة وذهوبا ويدها خلف ظهره ،
 ورأسه منحرف فى تفكير)

(ذهب أفندي يعيد المحفظة الى جيبه في يأس)

ذهب أفندي: (ينظر الى أعلى) الله يخرب بيوت اللي

خربوا بيوتنا ..

(بسبوسة تقصد الى قشقوش)

بسبوسة: (لقشقوش) وانت يا بنى .. ارحمنى يا ضناى

وخذ إيدى خُد بره ..

قشقوش: (وقد نظر اليها طويلا في احتقار) سبحان الله

في طبعك يا بسبوسه .. !

بسبوسة: إنتو كلكو كده .. ما فيش حد فيكو عنده

رحمه .. ما تساعدوش وليته مسكينه ما بائدهاش حيله ..

(تصيح) ارحمنى يا ناس .. ارحمنى يرحمكم ربنا .. أنا حموت

(تبكي وتقصدا الى الشيخ عميشة)

بهجت الناعم: (مغمما) كلنا حتموت ياستى ..

بسبوسة (وقد تشبثت بجلباب الشيخ عميشة) لا . لا .

أنا مش عاوزة اموت .. (تمرغ وجهها فى جلبابها)

محاسن (لشكيب وهى تنظر اليه فى لوعة) صحيح احنا

هنا حتموت يا شكيب ؟

شكيب : (يتفهد في يأس شديد) مين يعرف يا محاسن ؟

(يمسح عينيه)

محاسن : (في همس كأنها تحلم) خذني على سدرك !

(هي التي تضمه الى صدرها) بوسني (هي التي تقبله في خده)

بهجت الناعم : (في يأس ممزوج بالسخرية) :

كل ابن أنثى وإن طالت سلامته

في مخبأ من مخابىء الحرب مدفون

نبيل بك : (لبهجت الناعم) وحياتة أبوك يا ناعم أفندي

بلاش الكلام ده ... هو احناف أهوه ولاف تياترو ؟ !

بهجت الناعم : ياسيدي الباشا فرفش .. ماتستعجلشن

البكا والزعل .. كلنا حنبيك أرب رضينا أو مارضيناش .. !

(بسبوسة تصيح باكية)

قشقوش : (لبسبوسه) إنت بتعيطي عشان حتموتي ..

مأهوره على شبابك اللي ختفوتيه . يعني لسه ماشبهتيش من

الدنيا يا أوليه ؟ !

ذهب أفندي : إيه ده ؟ تعيط ؟ تعيط ليه ؟ لأ ، أبدا ...

أبدأ ... فشر !

(يندفع هو با كيا مولولا . بسبوسة تهود الي ولولتها وبكائها)

القولى : ايه المياحه دى ياناس ؟ .. هو الموت يخلى الواحد يهيط ؟

لا . لا .

(يندفع با كيا مولولا)

(شكيب عندما يسمع ولولة الناس ينتبه من تبلده

واستسلامه)

شكيب : (مزعجا صائحا) ايه دا كله ؟ ايه اللى حصل ؟

بهجت الناعم : مفيش حاجه جديده حصلت ، استريح انت ...

شكيب : يهب واقفا ، ثم يطلق إلى ناحية البكاين يسألهم

تكونشى فيه مصيبه مستخيه مش راضيين تثلوا ها لي ...

ما تخبوش عني ... حىحصل ايه ؟ ما تثلوا لي ... !!

بهجت الناعم : سدأوني مفيش حاجه ... إحنا زى ما أحننا ...

شكيب :- (وهو فى نوبه محومه) لا ... لا ... فيه شر

حيهجم علينا دلوات . لازم فيه حاجه ف السكه .. الموت ..

الموت ...

(يرتمى على كستف بهجت الناعم وينشج نشيجا حادا

والى جانبه محاسن ...)

محاسن : (لبيجت الناعم) إيدي منديك من فضلك يا بيه ...

(يناولها المنديل) مرسي (تمسح وجهه شكيب ..)

بهجت الناعم : (لمحاسن) دي نوبه خفيفه ... ماتتخفيش اني

(ذهب أفندي والفولي وبسبوسة يهودون إلی ولولتهم

ونحيمهم)

نبيل بك : (وهو يحمل أزرار قميصه بحركات عصبية ،

وقد ازداد وجهه تجها) أنا سدرى طابىء على ... محتخني ...!

فهيم الخشن : (لنبيل بك) ما يصحش نياس ، لازم

نجاهد ...!

نبيل بك : (لههيم الخشن) وعائزنا نعمل إيه ؟

(فهيم الخشن يحدق في نبيل بك وهو ممسك بكتفيه ،

ونبيل بك ينظر إليه ثم يحتضن كل منهما الآخر ، ويندفعان

في البكاء ... يتعالى البكاء من كل جانب حتي من

الشيخ عميشة)

قشقوش : (يصيح غاضبا في تأمر) هو احناف ميتم ؟

مش نأصمنا إلا المعددة ! ماتسكتوا بأه !

(البكاء والنحيب يهدآن شيئاً فشيئاً)

(تأخذ محاسن أثناء ذلك شكيب من بهجت الناعم .

تحيط شكيب بذراعها ، توسد رأسه صدرها ، وتسير

وإياه بخطوات بطيئة وهي تلاطفه ...)

عفاف : (تنظر الى بهجت الناعم) كلهم خايفين من

الموت ... لكن أنا ... بص كده في ... ؟ !

(تضعك ثم يختلط ضحكها بالبكاء)

الموت يخوف إيه ؟

بهجت الناعم : (لعفاف) موت إيه ؟ إحنا بعد شوويه

حنخرج ونكل السهره في بيتكم !

عفاف : (لبهجت الناعم) إيه الكلام ده يا بهجت ..

والنبي تسيدنا دلوات من الهزار بتاعك ده ... !

(محاسن وهي تسير بشكيب سيرها السابق ، كأنها

تمتزه في بستان ، تمسح له عينيه بالمنديل ، تلاطف خده ..)

محاسن : (لشكيب) ريح راسك على سدرى .. ماتخافش ..

انت مالك كده ؟ .. مخصوص ليه .. ما احناش سوه ؟ مش
دى أحسن حاجه بتتمناها ، نكون مع بعض تمللي .. ؟ !

شكيب : (يفهم) مع بعض تمللي ؟ !

محاسن : مش ده اللي كنت بتدور عليه ومش لثيه ؟ ..
أديك طلته !

شكيب : لكن دا احنا على وش خروج من الدنيا كلها ..
ما فاضلش لنا فيها الا دآي .. !

محاسن : دآي .. (تنظر إليه بشرفه) وإيه يعنى ؟

دآي .. أحسن من سنين وأيام ... (تحديق في عينيه طويلا ،

تقرب وجهها من وجهه ، تقول في نشوة :) خدني علي

سدرك (تفضمه الى صدرها بشدة) بوسني ! (تقبله

هي بشغف ، تقول وفمها على خده) حنموت واحنا كده ..

واحنا كده ... (تعود بخطيبها الى مكانها الأول ...)

عفاف : (جانباً ، ليهجت الناعم) هو الموت

يخوف ... ؟

يهجت الناعم : والله صحيح يا عفاف .. الموت ما يخوفش ..

ده انتقال من حالة لحاله تانيه .. انتقال من عالم القيود

لعالم الخلاص ... ؟

فهم الخشن : (يقصد الى اُبهجت الناعم ويمسك

يده وهو يرتمش ، ويحرق فيه طويلاً ، ثم يصيح :)

أبوه ... عالم الخلاص العظيم ... عالم الأرواح ، لا يعرف ماله

ولا يعرف زمن !

قشقوش : (بالهجة حقد وانتقام) أبوه هناك بين أيدينا

ربنا ، وكل إنسان يتحاسب على اللي عمله . ومن آدم شيء

بيداه التتاه !

فهم الخشن : إحنا كنا عبيده ... يعمل فينا اللي هو

عازره ...

الفولى : والله ياسيدى زفوننا مها تكتر برضك ربنا غفور

تواب . أنا سمعت العالم بيثول إن الحسنات يذهب السيئات .

(يقبل يده ظهراً لبطن ، ثم يرفع رأسه إلى أعلى)

ألف شكرانيه على نعمتك يا مدبر الكون يا إله الخلا .. !

قشقوش : (وهو ناظر الى الفولى) وأنا سمعت العالم

بيثول : اللي يبظظ عين واحد ف الدنيا تبظظ عينه ميت مره

ف الآخرة ، واللى يدش راس واحد ف الدنيا تدش راسه

رأسه ميت مره ف الآخرة ... ! (يقهقه في سخرية)

(القولى ينظر اليه فى جزع ، ثم يقصد الى بسبوسه

كأنه يحتجى بها ...)

فهم الخشن :- صحيح ربنا عادل ، يجازى المحسن باحسانه ،
والمسيء بالى عمله ، ولكنه برضه غفور رحيم ...

(يذهب من فوره الى الشيخ عميشة ويعطيه إحسانا ..)

ذهب أفندى : (ينظر الى أعلى) كلنا طامعانين فى

رحمتك يا أرحم الراحمين يا رب ... !

نبيل بك : دى رحمته واسعة ، ما تضيقش على حد ، لا فى

السماء ولا فى الأرض ...

قشقوش : (موجهها كلامه الى نبيل بك وذهب أفندى)

أمال ... لكن برضه فيه حساب ... كل واحد معلا من

عتره ووبه ، وكل اشيء مكتوب ومسطر ... هى لعبه ..

اللى يضرب يتسيم ، واللى يكسر خاطر فقير ، واللى ما يحنسش

على غلبان ، كل دول لازم يتحاسبوا .. ويتعابوا .. !

ذهب أفندى : إحنا ياما ادينا القورا والمساكين ، ربنا

هو العالم ..

نبيل بك : (لذهب أفندى) طبعا انت فاكر تبرعاتى

للجمعيات الخيرية السنه دي أدّ إيه . . . أنا في الناحيه دي
والحمد لله . . .

بهجت الناعم : (يجيب قبل ذهب أفندي) نصيبك أصر

في الجنه . . . مفيش كلام . . . !

ذهب أفندي : أصر واحد بس . . . ?

بهجت الناعم : أصر عظيم مليون حور وولدان . . . !

قشقوش : (مقاطعا) لكن سعادة البيه ما يثدرش يروح

الأصر بتاعه إلا اما يمشى على الصراط اللى هوّ أراء من

الشعره وأحمي من السيف . . . وهيهات بأه إن مر عليه من

غير ما . . . يلاّ السلامه . . . !

نبيل بك : الصراط ؟ وما أدرش امر عليه بسهولة ليه يا أشقوش

بهجت الناعم : لا مؤاخزه يا بيه . . . أشقوش له حأ !

نبيل بك : ازاي . . . ?

بهجت الناعم : طبعا سعادتك واخذ بالك إن ما فيش في

الآخره أتميلات تجرى بهم-ا على الصراط كده وانت أعد

مطمئن . . .

قشقوش : دا حيمشى على رجليه . . . لازم حتشرّ دم ؟!

نبيل بك : (لقشقوش) الله يسامحك يا ابني . . . !

فهم الخشن : يا جماعة انتو دخلتو في علم الله .. ربنا بيثبل
التوبه ، ان شا الله الزنوب تكون ما لهاش عدد .. !
القولى : أهو دا الكلام الجذ .. العالم آل كده .. وأ كده
أدام الخلاء .. !

عفاف : (في خشوع) التوبه الخالصه تمسح جميع
الزنوب .. .

(بسبوسة تبتهل إلى الله)

قشقوش : مفيش هناك زنوب (ملتفتا إلى ذهب أفندى)
التوبه ما تعماش فيها حاجه .. (يذهب إلى ذهب أفندى
ويلاطف كتنفه) مش كده يا ذهب أفندى ؟
ذهب أفندى : أول اللي تتوله .. مايمنيش .. أنا مطمش ..
دي حياتى كلها صافيه و نضيفه . طول حياتى ما عملتش محرم ..
آكل لؤمتى بتعبى وشأيه ، وباجرى على عياتى فى أمان الله ..
ومالى بيفرج على الناس بلاويهم ..

قشقوش : (ساخراً) حتنفتح لك أبواب الجنة كلها ،
وتحبيبتنا بلوك الملايكه ويعملوا لك كركون سلاح ..
ابناً آبانى .. .

ذهب أفندي : مش كثير على ربنا إنه برضى عنا . دنا كان
يجيني الراجل من دول غرّ أن لشوشتته ، مش لا ئي حد
ياخد بايده ، أطلعة من بيتي فرحان ، وجيبه ملان ورأ بشكوت ،
يفكّ ضيئته ويصالح حاله . . . (قشقوش ينفجر ضاحكا .

ذهب أفندي يتابع قوله في اندفاع . . .) ياما فتحت بيوت
ككات حيتئفيل . . . وياما خلصت عائلات من الفضايح
والخراب . . . المال اللي الناس بيحسدوني عليه ، هوّ اللي
نافعهم وهوّ خير وبرك عليهم . . . ربنا عطاني عشان أعطي
الناس . . . أمت بالواجب على ما يرام . . . وألف حمد لك يارب . . .
(قشقوش يضحك)

فهم الخشن : (يقول بصوت المتألم) بقتخا نشوؤا ليه
يا جماعه ؟ هو ده برضه وأت خبناء ؟ ! مش أحسن اننا
نتخى الدآيء اللي حنتضيهما في الدنيا ، ألو بنا صافيه لبعض ،
لاخناء ولا عراك ، ونقوم نصلي لينا ركعتين ينفعو نا ، ونقول
يارب حسن الختام . . . ؟ !

القولي : (في حماس) الصلا . . . أيوه امال إيه ؟ لازم
نصلي فرض ربنا اللي كتبه علينا . . .
بهجت الناعم : صحيح الصلا تغسل الألوب ما تخايش فيها

كره ولا حسد ، ولكن بس خايف ليكون فات الأوان . . . !
فهم الخشن : فات الأوان ليه ؟ .. العمل الصالح أهو صالح
في أي وقت . . . !

نبيل بك : نصلي جماعة يا خواتنا ..
فهم الخشن : الصلّا جماعة لها سواب كبير أوى !

عفاف : (في إشراق) الصلا . . . الصلا . . . يلا

نصلي . . . وكات فايانا الحكايه دي ازاي ؟
فهم الخشن : لما نصلي فرض ربنا يستجيب دعانا . . .
القولى : ومين يكون إمامنا بأه ؟

فهم الخشن : (يلتفت حوله ، ثم تستقر عيناه على الشيخ

عميشة ، يصيح . . . !) الشيخ عميشة . . . ما فيش غيره . . . !

نبيل بك : أحسنت . . . دا راجل كله خير وبركه . . .

بهجت الناعم : (متسائلا) الشيخ عميشة ؟

فهم الخشن : (لبهجت الناعم) أنا فاهم أصدك . . . اسمع

أمّا أءول لك . . . يا ما الباس بيغلطوا ف حكمهم على الراجل
اللى زى ده . . . والحأ أن الواحد لما يشوف الواحد منهم من
بره كده ما يعرفش هو في حئيئته إيه . . . دول ناس نفوسهم
طيبه زاهدين في الدنيا مش واخدين منها حاجه ، ومين يطول
أذه يكون له نفس زى دي . . . ؟

بهجت الناعم : (متحكماً) صحيح . . . ما فيش حد . . . !

(يتجهون كلهم الى الشيخ عميشه يحاولون إفهامه

رغبتهم في الصلاة وإقامته إماما لهم . . . شكيب وقد رأى

الجمع يتأهب للصلاة ، يرغب في اللحاق بهم . . .)

محاسن : إيه ده ؟ رايح فين ؟ (وهي ممسكة بيد شكيب)

شكيب : إنت سمعتيهمش وهم بيثولوا اننا حنصلي ؟

محاسن : (وهي متمددة برأسها على كتفه) حنصلي ؟

. . . نصلي واحنا كده . . . ؟

شكيب : محاسن . . . فتوئي لنفسك . . . واحنا أدامنا كام

ساعة يادوبك حنصليها في الدنيا دي . . .

محاسن : طيب . . . طيب . . . بس خليك ككده شويه !

(شكيب يمثل في حالة يأس واستسلام ، ومحاسن مبطوقة

إياه بذراعيها . . .)

بهجت الناعم : (للجمع) لكن يا اخوانا دحنا ماتو ضيناش !

قشقوش : (يقول في إهمال ، وهو يشير إلى عمر مظلم)

فيه هناك شويه ميه في الجر دل . . .

بهجت الناعم : دول الشويه اللي فضلم من ميسة الشرب ،
لازم تخلوهم . . . بلكي واحد عطش . . . ولا سوراً . . . !
فهم الخشن : طيب تميم . . . دا الدين يسر متس عشر . . . أنا
جدور لكم على حجر نضيف ينفع للميم . . .

(ينطلق باحثاً في أرجاء المخبأ . . . الشيخ عميشة يثبير

إشارات مصحوبة بأصوات تدل على أنه يريد أن
يأكل . . .)

بسبوسة : يا كبدى عليه . . . ما دأش حاجه من
امبارح . . . !

قشقوش : (لبسبوسة) ما دأش حاجه من امبارح ؟
ما شاء الله . . . ! . . . أمان فين التلات كحككات والبيضتين اللي
خدتم مني ؟ . . . دحنا لو سبينا له السبت كان لهف اللي فيه
ما خلاش لؤومة !!

بسبوسة : يا بنى حرام عليك ، دا ما خدش إلا كحككتين
وشويّة ماجح . . . وحياة مأم النبي ما خد غيرهم . . . وهم
دول كتار على عمك الشيخ عميشه ؟ إخص عليك يا بنى ا
(ثم يقول بصوت خفيض) وانت ما كت أدّه عشر
مرات . . . !

قشقوش : بتقولى إيه يا وليه ؟ طلعتى حسك أمال . . !

بسبوسة : أنا ألت حاجه ؟ بتقول حرام نسيب سيدنا

الشيخ الفولى بتاع ربنا من غير أكل . . آدى اللى بتؤله . . !

قشقوش : (يقول بحيث لا يسمع إلا هى والفولى فقط)

ما بأش فى السببت إلا كحكه واحده . . . إنت سامعه ؟ آدى

كل اللى فضل لنا . . . لنا كلنا . . .

بسبوسة : (للفولى وبصوت خفيض) يادى النيبه ؟

كحكه واحده . . . صحيح يامعلم فولى الكلام ده ؟

الفولى : علمى علمك . . . أنا عارف . . . !

بسبوسة : (للفولى) إزاي ماتش عارف بأه ، مش السببت

بتاعك ، وانت عارف كان فيه إيه ؟

الفولى : (جانبا لبسبوسة) أنا سبتو له ، إحسان لوجه الله . . !

بسبوسة : مانا بكش منه حاجه . . . ؟

الفولى : إبلت منه بالغصب نص كحكه وشوية دؤوه . .

بسبوسة : ودفعت تمنها زينا تمام . . .

الفولى : (متضايقاً) ألت لك يا خلتى إني أنا إديت له السببت

إحسان لوجه الله . . .

(يعود فريم الحشن بحجر يصلح للتيمم)

فهم الخشن : (وقد وضع الحجر أمام الجمع) الحجر أهه..

يلا بينا نتيهمم ...

(الشيخ عميشة يصيح مطالباً بالأكل)

فهم الخشن : الشيخ عاوز إيه ؟

دهب أفندي : باين عليه جعان !..

فهم الخشن : جعان ... كلنا جعانيين ... لكن معاد الأكل

لننه ماجاش ... إحنا لازم نوفر شوويه ... ماجاش عارفين

الحكاية حيحصل فيها إيه (يوجه كلامه لقشقوش) ولكن

معالش ! معاك حاجة كده نديها للشيخ ؟ !

قشقوش : (يتكلم في إهمال ، واضعاً رجلاً على رجل)

معايا كحكه واحده ... كحكه واحده ... لنا كلنا ، غيرها

هافيش ... !

نبيل بك : إنت لازم بتنزر يا أشقوش .. مش ممكن

الكلام ده ... ؟

قشقوش : الحاجات دي مش بتاعة هزارايبه ... كحكه

واحده لنا كلنا ! ... كحكه واحده اللي معايا ... هي كل اللي

فضل ... !

(همة استياء من الموجودين)

نبيل بك : لازم الكحك راح ...
ذهب أفندي : إحنا انسراً نا يا جماعه !

قشقوش : (يقف غاضباً ، وقد رفع عصاه بهدد)
أنا اللي سرأتكم ... ؟

ذهب أفندي : لأ أبداً ، مش أصدى ؟! لكن بس ..
نبيل بك : (فى صوت خفيض) يعنى غرضى أهول إن
السبت كان ملان ...

قشقوش : (وهو مايزال ثائراً) أديكو كاتو اللي كان فيه!
فهم الحشن : المسألة متستوجبش كل ده ... حنفر
ف الحكايه دى على مهلنا ...

(شكيب يكون قد أرفف سمعه لهذا الحديث)

شكيب : (لمحاسن جزعاً) ماباش هنا أ كل ... إتنى سامعه
الى آلوه يا محاسن ؟ ... : يعنى حنموت م الجوع ... ؟!

محاسن : (وهى فى أحلامها) أحبك ... : أحبك يا شكيب ...

بوسنى ... (يريد الافلات منها فلا يستطيع) بوسنى !!

شكيب : (يقبلها قبلة خاطفة وهو يقول :) هه ! (ثم

يهرع إلى الجمع ويصيح :) أنا أظاب بنصبي في الكحكة
اللى فاضله . .

فشقوش : طب تعالى وخذ نصيبك ان كنت جدد . . !

شكيب : (لقسقوش) انت بتهدّني؟ حاديلك تمنأزى

ما اديت لك تمن اللى خدته منك أبل كده . .

قسقوش : شيء مهمش . . الكحكة معاي . . وأجمعص

جعميص فيكو ما يندرش ياخذ منها حتة الا بتولى أنا !!! . .

(ههمة استياء)

فهم الخشن : أت لكو مسألة الكحكة سيبونا منها دلوات . .

نشوف الحكاية دي بهدين . .

(يلاطف شكيب ويراضيه)

الوات دأمش وأت خناء يا أخ . . !!

نبيل بك : (لدهب أفندى ، جانبا) أوكدك إن

السبت كان مليون . .

دهب أفندى : وأنا أوكدك إنى ما أخذتش منه إلا

كحكة واحده . .

نبيل بك : وانا كان واحده

دهب أفندى : (فى صوت خفيض ، محتجا) كحكة

واحدہ . . . فی الأربعمہ وعشرين ساعہ . . . ودفعت کام تمنہا . . .
ربع ريال . . . تصدداً ؟ ؟

ندیل بک : زى ما دفعنا احنا رخرين . . . !

بہجت الناعم : (وقد نجاء إليهم ، وسمع حديثهم)

دى حسبہ مضبوطہ تمام ، انتو ناسبين قانون العرض والطلب ؟

دہب أفندى : (فى صوت مكتوم) دا لصّ محتال

لازم أوريہ . . .

(الشيخ عميشة يطالب بالأكل)

بسبوسة : لو كان معاى حاجه ما كنتش عزيتها عنك !

فہيم الخشن : مش تميم يا جماعہ ونستعد للصلا ؟ !

بہجت الناعم : الامام مش عاوز يصلي ، ويطنه بتؤر عليه . . .

لازم يد يلها حأها أبله . . . !

عفاف : وليه ما نديش السميطه اللى فاضله للشيخ عميشه ؟

(همهمة من ضيوف الخبأ — عفاف تتابع حديثها . . .)

السميطه دى لما تتأطع مش جينوب كل واحد منا إلا حته

صغيره ، لاهى نافعہ ولا شافعہ . . . فأحسن حاجة إننا نديها

للشيخ عميشه ، ويبأى لنا سواب كبير عند ربنا . . .

(ضيوف الخبأ يهممون ويتشاورن)

فهم الخشن : برافو يا آنسه . . ! (يهز يدها) لازم
المؤمن يوخسده نفسه ع الجوع ، بلاش الجسم ده . المهم
الروح وطهارة الأب . . إن كان على ، أنا تنازلت عن حى
فى الكحكه للشيوخ عميشه . . ألتو إيه بأى ؟

بهجت الناعم : ومع ذلك الواحد لما روح الدار الآخره
ومعدته خفيفه يبأى أحسن أوى ! . . أنا كان متنازل عن
نصيبى للشيوخ عميشه . . !

نبيل بك : (بعد تردد ، يذهب إلى عناف ويهز يدها)
انت صاحبة مروءه صحيح يا آنسه . . أنا حاعمل زيك فى
الحكاية دى واتنازل عن نصيبى لوجه الله . .
القولى : وإيه يعنى حته كحكه حنفتها دلوات نلائمها
بكره شآنىء وماآنىء فى الجنة الحلوه . . اللى ليه فى الكحكه
أنا مسامح فيه للشيوخ عميشه حلال زلال . . !

(صحت من الآخرين)

فهم الخشن : (مخاطبا الذين لم يتكلموا) وانتسو
يا خوانا . . . ألتو إيه يا حضرات . . . حنثيخوا الآخره
بالدنيا الفانيه ؟ .. تبيخوا سعادته ماهاش نهايه بدائيتين حنثصيهم
فى العالم الوحش ده . .

دهب أفندي : ياسيدي أنا ما عنديش ما نفع أفوت نصيبي ..

بس الحكاياه ما تجيش كده .. خلوا فيه ولو تعويض بسيط ..

قشقوش : تعويض إيه ياسيدنا .. ما فيش كلام

من ده . . . !

دهب أفندي : طب خلاص ، زى ما انتو عايزين ، اللي

يجي على كيفكم اعملوه . . .

شكيب : إيه ، ما دام المسأله كده ماشيه بالأوّه ، عايزينا

ننكلم ليه ؟ .. ما تاخروش رأينا امال !

مهجت الناعم : ما تزعلشى ياسي شكيب .. سياسة الأوّه

بأت فن دبلوماسى جديد . . . !

قشقوش : الحكاياه مش حبه أخذ و عطا . . . على إيه

دا كله .. أنا ما يهمنيش ، تفرءوا الكحكه ، تدوها للشيخ

عميشه ، حاجه تخصصكوا .. أنا ليه دعوه بتمنها بس ، تدفعوه

أهلا وسهلا .. آدي الدغرى ! !

نبيل بك : تمناها .. ؟ إذا كان حيا خدها الشيخ عميشه ،

فطبعها مش حن دفع لها تمن . . . !

قشقوش : سيدى ياسيدي .. تمناها ميت إرش . . . كلام

تاني ما اعرفش . . . !

دهب أفندي : (يفهمنا) ميت إرش ؟ ! أما صحیح

نصّاب . . . ؟

قشقوش : أنا ألتها كله .. ميت إرش يعني ميت إرش ..
فكس !

فهم الخشن : بس يا أشوش دي ...
قشقوش : ما بيعهاش أألّ من جنبه .. حد زنا كوا ..
اتو حرين وأنا حر .. نأص عن الجنيه مليم مش حا بيعها ..

(يهز العصا الغليظة في يده)

فهم الخشن : ما فيش مانع يا سيدي .. المسألة بسيطة
(يلتفت إلى الآخرين) إحنا طبعا كلنا حاشنا في تمن
الكحكة دي ، وعلى أدمتها حيكون السواب من عند ربنا ..

(يعدطربوشه لجمع التبرعات ، ويخرج من جيبه قطعة

ذات عشرة قروش ..) آدى نصيبي دفعته .. يرمى

القطعة في الطربوش . عفاف تهرع نحو فهم الخشن

وتفرغ ما في محفظها في الطربوش . فهم الخشن يمر على

الحاضرين ، فيعطيه كل واحد شيئاً ...)

(يصيح الشيخ عميدة أثناء ذلك مطالباً بالطعام .

تنشب مجادلة بين فهم الخشن وبين دهب أفندي ، لقلة

ما أعطاه ، وتنتهي بأنت يدفع مبلغاً آخر ، فهيم الخشن
بحسب النقود ، فيجدها ناقصة قرشاً ، يقول لقشقوش . . .

نائنس إرش وبيأى الجنيه تمام . . . !

قشقوش : (يمد يده إلى صدر الشيخ عميشة بسرعة

ويخرج منه قرشاً ، ويعطيه في سهولة فهيم الخشن . . .)

الجنيه دلوات تمام ! . . مش كده ؟ !

فهم الخشن : (يمد يده إليه بالمبلغ ، يناول فهم الخشن

الكمكة) وادى السميطة اهي . . مبسوط ؟ !

(فهم الخشن يأخذ الكمكة ، ينظر فيها مقلبا إياها . . .

يشمها . .)

الفولى : صاحبه وحياتك يا أستاذ . . !

فهم الخشن . (وهو يقبلها ويشمها في لذة ، يقول للفولى)

ساديء ؟ . . . ساديء ! (يلتفت إلى الجمع) أناجت في بالى

فكره عايز أشاور كم فيها . . . ندى للشيخ عميشه دلوات نص

الكحكه ، ونخلي له النص التانى لبعدين . . .

شكيب : (مقاطعاً) ومين اللى يشيل النص التانى معاه ؟

فهم الخشن : أنا .. مش ما متيني ؟ ..

شكيب : وليه ما يكونش انا ؟

بسبوسة : تحبوا يا أسيادي أشيله لكو أنا .. أخبسيه في

حته ما يعرفاش لجن الحس .. ؟

(الشيخ عميشة يصيح مطالباً بالكمكة .. القولي

يطيل النظر إلى الكمكة في جشع صامت ..)

فهم الخشن : أعول لكم بلاش الحكاية دي .. أنا حدّي

الكحكة كما للشيخ عميشة يعرف شغله فيها ..

شكيب : أهو انتو كده .. كل تصرفاتكو دكتاتورية

أنا أحيج على كده .. ضروري ناخذ الاصوات !

(في هذه الأثناء يكون بهجت الناعم جالساً في سكون

يراقب هذا المشهد في صمت وهو يتسم معتمداً بذقنه

على يديه . عفاف بجانبه)

دهب افندي : ده صحيح .. ضروري ناخذ الاصوات ..

(يقفز القولي بغتة ، ويختطف الكمكة في حركة

يائسة ..)

فهم الخشن : (صائحاً) دي خيانه ! دي خيانه !

ما يصحش كده .. !

(فهم الحشن ونيل بك وذهب افندي شكيب وبسبوسة
يهجمون على الفولى . قشقوش يستغرق في ضحك عال .
يخرج كعكة له يأكلها في تمهل . الشيخ عميشة ينظر له
فينتهره قشقوش ، يندفع الشيخ باكياً . عناف متألة .
محاسن تحلم كمادتها . بعد حين تنجلي المركة ، نرى كل
شخص في يده قطعة من الكعكة آخذاً في أكلها . الشيخ
عميشة يصبح باكياً مطالباً بالأكل ، فلا يعنى به أحد .
نرى قشقوش ينام وهو قاعد وقد اعتمد بظهره على
الحائط . شكيب ياتهم قطعتة ويعود إلى محاسن ...)

شكيب : (لمحاسن) خرجت من الخناعة دى ما معايش
حاجه . . على رأى اللى آل : خرج م المولد بلا أخص . .
(محاسن لا تجيب . بل تقترب منه ، وتريح رأسها على
كتفه ، هو يتابع كلامه ...) على كل حال الحمد لله ما
تعوّرتش فى الهيصة دى . .

(ينظر إليها ، فيراها قد أغمضت عينها . يجلس فى
تراخ ، ويداه متدلّيتان . .)

بمبوسة : (تحدث إلى نفسها ، وهي تنفخ في إصبعها)

أطبعه . . هم فاكرين صباعي سميطة حيا كاوها . . ؟ يا حفيظ
يارب . . ادى ما كينتش لؤمه اللي نا بقى . .

(تخرج القطعة التي أصابتها من الكمكة . . . تأكل

منها ، ثم تعود تنفخ إصبعها)

(ذهب افندى ونبيل بك في ركن يأكلان

قطعتيهما من الكمكة ، وقد أخرج كل منهما ورقة ملح

صغيرة من جيبه يستعين به في الأكل . . .)

نبيل بك : (وهو يأكل . لذهب افندى) آخر أكله

أكلتها كانت أبل الفاره المزفة دى في رستوران الريفيرا . .

ذهب افندى : (وهو يتفنن في الإبقاء على قطعته)

رستوران الريفيرا (في حصرة) يا سلام على طبأ السلطه

الروسي اللي يعملوه هناك . . دا طبأ مهول خالص . .

نبيل بك : (وهو ينظر إلى ما بقى من قطعة الكمكة

في يده . .) طبأ السلطه الروسي بس ؟ .. والشاتوبريان ؟ ..

والكستليت بانيسه ألافينواز ؟ .. دى كل أصنافهم بديعه خالص .

ذهب افندي : (وهو ينظر في تحسر إلى القطة الصغيرة

الباقية من الكعكة ...) والاسباب حتى الانا بوليتين ؟

الفولي : (في ركن بعيد ، يغمغم متحسراً ، وهو يأكل

قطعة) يا سلام يا دنيا . . . فين دلوات طباً القول المعتبر وجنيه

طباً الخيال اللى يفتح النفس ؟ . . .

(شكيب ينظر إلى محاسن وقد أطالت صمتها ...)

شكيب : (يناديها) محاسن ! محاسن !

محاسن : (في صوت خفيض) مالك ؟ عاوز إيه ؟

شكيب : إنت نمت ؟

محاسن : لأ مانتش . . . !

شكيب : أمال مالك كده ساكتة ومغمضة عنيك ؟

محاسن : (في صوتها الخفيض تفتح عينيها قائلة :)

دايخه . . . دايخه أوى . . . !

شكيب : ده لازم يكون من تأثير الجوع ، لو كان نايبي

حاجه من الكعكة الملعونة دي كنت ادتهالك . . .

(محاسن لا تجيبه . تسبل جفنها ...)

عفاف : (بهجت الناعم) دي آخر كعكك موجوده هنا..

بهجت الناعم : (يسر في أذنها) ما تخافيش .. (يخرج

من يده قطعة ، ويناولها إياها في الخفاء ...) خدى ..

عفاف : (وقد أخذتها وأخفها في منديلها) إنت

جبتنا مينين ؟

بهجت الناعم : كلي والسلام .. ما لكيش دعوه ..

عفاف : وانت ؟ ..

بهجت الناعم : أنا ما تشغليش نفسك بيه !

عفاف : لازم انت راخر جمان .. !

بهجت الناعم : جمان ؟ .. وإيه يعنى ؟ .. دانا كل ما

يؤرصني الجوع أبص لك بضمه أشبع من جمالك ، وأسكر

من فتنك .. !

عفاف : (وهي تميد إليه قطعة الكعك) لا .. لا ..

خد .. إن شا الله تعدمني إن ما كاتهاش ..

بهجت الناعم : (وقد أرجع يدها في تلاف) أنا حلفت

أبلك إني مش حدوء منها حاجه .. هي لك .. هاتي بوسه

من إيدك .. (تسحب يدها ولا تجيب)

(الشيخ عميشة يطالب بالطعام . عفاف تنتبه . تحتفظ

بالقطعة في منديلها)

شكيب : (محاسن) محاسن ! .. محاسن ! .. (لا تجيب .

يهزها برفق ، لا تتحرك ، يعود الى النداء) محاسن ! ..

محاسن ! .. (لا تجيب)

محاسن .. ! محاسن .. ! (لا تجيب . يحدق في وجهها

مخوف ، ثم يصيح :) الخئونى .. حتموت منى الخئونى

(الكل ينتبه اليه)

شكيب : ما فيش نتفس خالص .. الخئونى

(يهرع إليه بهجت الناعم وعفاف . شكيب يترك

محاسن بين يدي بهجت الناعم . يحدق في محاسن وهو

يتراجع قليلا قليلا ، بسبوسة والفولى يتشبثان بجلباب

الشيخ عميشة وقد أخذ يفظ في النوم ، ويتطلعان الى

محاسن من بعيد بحذر . . .)

بسبوسة : (مهممة) ماتت البندبيّة .. اللهم احفظنا ..

القولى : (مهمهما) الشر بعيد . . الشر بعيد . .

(نبيل بك يهيم بالذهب لرؤية ما حدث . . .)

ذهب أفندى : (ممسكا بطرف سترة نبيل بك) إنت

راجح فين ؟

(نبيل بك يلتفت إليه . ذهب أفندى يقول :)

سامهم بيئولوا إن المدموازيل دى ماتت . . !

نبيل بك : سيبنى . . سيبنى . . !

(نبيل بك يخلص نفسه من ذهب أفندى ويذهب

مع فهم الخشن بخطوات حذرة ناحية محاسن يرقبان

ما يحدث جانبا ولا يتقدمان لعمل شىء . . يتفاوضان

باهتمام وخوف . .)

بهجت : (لعفاف) إدينى شوية كلونيا ولا ريحه

ولا أى حاجه . .

عفاف : ما فضلش معاه ، لا ريحه ولا كلونيا . .

(تتذكر شيئا)

آه . . الكونياك ! . .

بهجت الناعم : فيد هنا كونيالك ؟

عفاف : استنى . . .

(هرع إلى الناحية التي تركت فيها الزجاجتين الملفوفتين

عند دخولها الخبأ في الفصل الأول . تأتي بواحدة منهما

وتنزع سدادتها ، وتناولها بهجت الناعم . .)

بهجت الناعم : مال . ! مال . ! جالك مين ده . . ؟

(بهجت الناعم يفرغ جرعة كونيالك في فم محاسن)

عفاف : دي هديه جتنى أبل ماجى الخبأ على طول . .

(ذهب أفندى يقصد إلى الشيخ عميدة بخطوات

مضطربة ، ويجلس بجواره مع بسبوسة والفولى . قشقوش

يفط في النوم . .)

ذهب أفندى : (للفولى) باين عليهم ما مات صحيح .

ميش شايفها بتتحرك . . !

الفولى : الشر بعيد . . الشر بعيد . .

ذهب أفندى : يا نرى حيد فَنَسُوها فين ؟

بسبوسة : يدورُوا لهم على حته . . بس ما تكونش

هنا . . . !!

(تظهر على محاسن أمارات الحياة . . . تبدأ تفتح

أجنحتها . . .)

بهجت الناعم : (لشكيب) ده كان إغماء بسيط . . .

شكيب : يعني اسمه عايشه ، ما جرح الهشاش حاجه ؟ . . .

بهجت الناعم : زبيّ وزيك تمام . . . ! ! !

(في هذه اللحظة يتقدم فهم الخشن ويجلس بد محاسن ،

ثم يقول :)

فهم الخشن : القلب منتظم . . . والنبض كويس . . .

(عفاف تقصد إلى مكانها ، تجلس مطاطئة الرأس ،

وقد أسندت وجهها بيديها . . .)

محاسن : أنا فين . . . ؟ أنا فين ؟

شكيب : إنتِ معاهي . . . ما تخافيش من حاجه . . . !

(يأخذ شكيب مكانه بجوارها محل بهجت الناعم . . .)

دهب أفندي : (وقد اشرب بفضقه ، وأرهف أذنيه)

دي ما مِتتش . . . !

العولي : (يجيب وهو بجوار الشيخ عميشة) ربنا

إبل دعوة الشيخ عميشه . . . دا راجل سره باتع . . . من بشو
السما العاليه . . .

(ذهب أفندي وبسبوسة والقولى يتبركون بالشيخ

عميشة . . . فهم الحشن ونيل بك يتنفسات الصهداء ،

يسيران ناحية الشيخ عميشة ، يجلسان بالقرب منه صامتين

ينظران إليه بين فترة وأخرى . يقتربان منه ، يعطيانه

نقودا . . .)

بهجت الناعم : (محاسن ، وهو يقرب من فمها الزجاجية)

خدى لك شفته تانيه . . .

شكيب : أبوه ، خدى لك كان شفته . . .

(يساعدها في الشرب . . .)

محاسن : (حالة) نكونش اتأنا الجنته ؟ !

شكيب : الجنة ؟ . . . اه . . . لأ . . . (يظهر عليه الضعف

من الجهد والافتعال ، يقول لهجت الناعم وهو على وشك

السقوط :)

إلحائي بشويه من اللي معاك ده . . . !

(قشقوش يستيقظ من غفوته)

(بهجت الناعم يسند شكيب ، ثم ياوله جرعة . . .)

شكيب ينتمش . . . ويقول لبهجت الناعم : (

مرسى ! . . . صحيح ان الشراب ده منعش أوى ! ..

(يأخذ الزجاجة من بهجت الناعم ويشرب منها

جرعة أخرى . . .)

بهجت الناعم : (يأخذ منه الزجاجة) أعصابنا اتهدمت .

(يشرب جرعة من الزجاجة) غاوزه تتجدد . . . !

(نبيل بك وفهيم الخشن ودهب أفندى والفولى

يراقبون من بعيد ما يحدث ويستمعون . . .

شكيب : (يأخذ الزجاجة من بهجت الناعم ، يشرب

منها ، يتقدم من محاسن ويساعدها فى تجميع شىء من

الشراب ويقول :)

خدى لك شفضه تانيه يا محاسن . . . ده مؤوى للألب . !

محاسن : (تشرب بلا ممانعة ، ثم تقول حاملة :)

إحنا في الجنة . . في الجنة صحيح . . .

شكيب : (يشرب جرعة ، تبدأ الخمر تلمب برأسه)

إحنا ف طريئها . . ! يادوبك على الأبواب ! . . خائش
اهنه . . !

دهب أفندي : (مخاطبا الذين يشربون) إنتو بتشربوا

وحدكم ولا انتش سألين على حد . . !

نبيل : الحئيته دي حاجه مخالفه لمبادئ الديمقراطية . .

عفاف : دول (تشير إلى محاسن وشكيب) بيشر بوا

علشان انهم في حالة وحشه تعبانين أوى . . !

قشقوش : يعنى إحنا اللي بسم الله ماشاء الله؟ ما احنا خرين

حالتنا أطران . .

محاسن : والنبي تدّوا له شويه . . ده يستحأ . .

فهم الخشن : ياناس خدوا بالسكم من المساواه . . لازم

ما نفرأش بين واحد والتاني . .

بهجت الناعم : كلمة المساواه دي عاجباني من بؤ الاستاذ

الخشن . . على كل حال ما فيش مانع ان كل واحد ياخذ له شفته

من المشروب المؤوى للألب ده . . بس حاسبوا على نفسكو

إنتو بطونكو خاليه . . والشفته بما عم عشر كاسات كبار .

(بهجت الناعم يمنح نبيل بك جرعة)

بيل بك : (بهجت الناعم) مرسى خالص . . نوعه
مش بطال . . !

(ذهب افندى يشرب جرعة ، ويريد أن يشرب

ثانية . بهجت الناعم يحاول أخذ الزجاجة منه)

ذهب أفندى : (بهجت الناعم) سيب الازاره يا أخى .

أنا لسه شربت حاجه ؟ ! .

فهم الخشن : (لذهب افندى) ما شربتش حاجه ؟

إنت حتفلاط يا ذهب افندى ؟ !

(بهجت الناعم يحاول أخذ الزجاجة من ذهب افندى)

ذهب أفندى : (وهو متمسك بالزجاجة) يخطو نحو

عفاف ..)

سدينى ، أنارايج أدى عفاف هانم شفته . .

عفاف : مرسى . . أنا مش عاوزه اشرب . . !

ذهب افندى : يعني انت متنازله عن نصيبك ليه ؟

(يشرب جرعة . بهجت الناعم يمسك بالزجاجة . .

تقوم مشادة بيده وبين ذهب أفندى .)

محاسن : (لشكيب) حانعيش سوا فى الجند

شكيب . أبوه . . دائما سوا يا حبيبي . . ! ،
محاسن : (فزعة ، وقد تذكرت أمرا) وبابا ؟ . . مش
حيكون ويا نا ؟ !

شكيب : (بتأ كيد تام) لا ، لا . . مش ممكن . . ممنوع
دخول الأبهات في الجنة . . !

(شكيب ومحاسن يتناقضان)

(بهجت الناعم يفلح في . خذ الزجاجه من ذهب
افندي . يتجه إلى عفاف)

بهجت الناعم : (لعفاف) باين عليكى تعبانه . يا عفاف
خدي لك شفته . .

عفاف : لأ ! مش حاخذ !

(فهمم الخشن يتقدم مسرعا إلى مكان عفاف وبهجت

الناعم)

فهمم الخشن : (لعفاف) إنت ليه مش عاوزه تشربي ؟

عفاف : حرام . . .

فهمم الخشن : أما عجيبه ! (يتلفت حوله ويقول)

مين ده اللي بيئول إنه حرام ؟ حرام ليه ؟ . .

قشقوش : ماحدث يستجري يثول !

نبيل بك : ده شراب مؤوى للألب ومجدد للدم ! فيه إيه ؟

عفاف : أنا مش عايزه ارتكب شيء محرم وأنا على عتبة

الموت !

فهم الخشن : يا أنسى . . الضرورات تبيح المحظورات .

والدين يسر لاعسر . . (يتناول الزجاجه) إنت مش مسد آني

(يشرب جرعة ثم يعيده الزجاجه إلى بهجت الناعم)

شكيب : يهرع الى بهجت الناعم ، ويأخذ منه الزجاجه

ويكرع منها ، ثم يعيدها إليه) ده يثوى الألب جدا . !

(يعود إلى محاسن — يتماثقان)

قشقوش : ماشاء الله . . ماشاء الله . . ونابي انا فين . . ؟

(يهجم على بهجت الناعم ويأخذ الزجاجه منه ،

ويكرع منها طويلا ، فيخطف بهجت الناعم الزجاجه

منه)

بهجت الناعم : أوه . . انتو خلصتو الازازه ولسه عفاف

ما نخذتش منها حاجه . . خلاص اللي فاضل بتاعها ، ماحدث

يهرب عليه . . !

(يضع الزجاجاة بجانب عفاف . ينظر إلى الناحية التي

وضعت فيها عفاف الزجاجاة الأخرى . . . ينهمم . . .)

أنا شايف خيال إزازة تانيه هناك . . . (يهرع إلى

الزجاجاة يتفحصها) الازازة مأفولة أوى . . ! (التفت

حواله) ما حدش فيكو معاه بريه ؟!

ذهب أفندي : (متقدما) عندي مطوه فيها بريه . . .

(يخرج المبراة ويناولها بهجت الناعم ، بهجت ينزع

السداداه ، يجرع من الزجاجاة . ذهب أفندي يجذب

طرف سترته .) طيب فين نايبى ؟

بهجت الناعم : إنت مش خدت ؟ لسه ما استكفتش ؟

بسبوسة : (وقد أنت متحاملة على الفولى) مش تدوي

أنا رخره يا أسيادى بسؤ من اللي بتتولى عليه يتوى الأب ده ؟!

ذهب أفندي : (معترضنا) أو . . . !

(الفولى يلقى نظرة على قشقوش فيجده لا يتحرك من

مكانه ، ينزع الزجاجاة من يد بهجت الناعم . .)

الفولى : (لمهجت التاعم) دى و ايه ضمهفانه عاوز

حاجة تسندها يا مهجت بيه . . خلوا عندكو حنيه !

(الفولى يجرع جرعة كبيرة، ثم يساعد بسبوسة

لتشرب . يقول لبسبوسة :)

يشوى الألب يا بسبوسة ويطول العمر ... اشربي ! ...

إشربي . . . !

فهم الخشن . (متقدما) ما تدوني شفته ياناس أنا حاسأط

من طولى . . .

قشقوش : (وقد خطف الزجاجة) حندى لك ! . . .

حندى لك ! .

(يشرب من الزجاجة طويلا ، والجمع ينظرون إليه

متمعجين ، ثم يبدعون رجونه فى منحهم أنصبتهم فى

الجرعات ، فيقولون له بين فترة وأخرى :) والنبي شفته

يا سي أشقوش (يوزع عليهم الجرعات وهو ممسك بالزجاجة ،

لا يدعها لأحد . . .)

فهم الخشن (وقد لعبت الخمر برأسه ، يعتلى دكة من

الد كاك ، ويقف موقف الخطيب . يصبح : (

سيداتي ، سادتي : لقد امتحنتنا الخطوب ، فوجدت منا

رجالا شجعانا يصمدون للشدائد ، إننا مفخرة العصور . . . !

ذهب أفندي : ما فيش شك . . . مفخرة العصور . . . !

عفاف : (تلقت حولها) آه ياربي . . . إيه دا كله . . . !

ذهب أفندي : (لعفاف) إحنا مفخرة العصور يا آنسة !

فهم الخشن : (صائحا) نعم — نحن مفخرة العصور ،

وليحي السرور . . . !

الجميع : ليحي السرور . . . !

بهجت الناعم : (وقد انقلب سكره غما ، يدمدم :)

السرور ولا الحبور ؟ !

نبيل بك : زى بعضه . . . (يتقدم من عفاف وينحن

أمامها) آنسى . . . أدعوك للرقص . . . ! !

عفاف : (ممتذرة) أرجوك تسبني دلوات . . . !

محاسن : (وقد قفزت إليه) تسمع يا بيه . . . تأنجو

ولا رومبا . . . ؟ !

نبييل بك : (صأحأ) رومبا . . رومبا . . (يماسكان)

شكيب : (يهرع الى عفاف) تسميحى يا آنسه . . تانبجو

ولارومبا؟ (عفاف لا تجيب . تحديق فى السماء)

(نبييل بك ومحاسن يترك كل منهما الاخر لحظة وقتي

أصول رقصه الرومبا)

(محاسن تتلوي بمفردها راقصة أمام نبييل بك . يصفق

لها . ثم يشتبكان ثانيا . .)

شكيب : (وقد تحمس) الله ! الله ! (يرقص مفرده)

(عندما يفترق نبييل بك ومحاسن بحد الدورة الثانية ،

نجد فهم الحشن قد تقدم واجتذب محاسن فلا تمنع ،

وترسل ضحكة ناعمة مدوية ، ثم تقع مجهودة ، فيتلقفها

شكيب بين ذراعيه ويقبأها بلهفة . . .)

الفولى : (صأحأ) شوبش يا حبايب . . الرأس ،

الرأس . . . أنا حفر جكواغ الرأس البلدى العال ، على

أصول الصنعه . . !

(الفولي يحزم خاصرته ، ويتناول العصا من

قشقوش . . .)

اعمل معروف يا معلم أشقوش غنى لنا موال بلدى على زوءك ،
وحياة الجدعان اللى ويا نا . . . تدوم التفاريح . . . !

(الجميع يصفقون للفولى ، وهو يرقص . تتقدم

بسبوسة ، وقد كشفت عن رأسها وتحزمت بملاءتها ،

تدخل حلبة الرقص مع الفولى وترقص . . .)

قشقوش : (يعنى)

يا لفتك فى الملايه ضيعتت هلى !

إمته تدوب الملايه وارنجع لهلى ؟

(قشقوش يتابع غناؤه ، والآخرون يصيحون

بآه . . . ! الجميع يصفق على النغم ، الفولى وبسبوسة يرقصان .

عفاف فى مكانها لا تتحرك عاقدة يدها على صدرها وناظرة

إلى فوق . بهجت الناعم ساهم يدخن لفافة تبغ وهو ينقل

عينيه بين عفاف وسقف الخبأ . . .)

تنزل السمتارة

الفصل الثالث

(المنظر السابق نفسه ...)

(شمة تضيء المكان .. جميع

الموجودين في حالة إعياء شديد ، غير

أن قشقوش وبهجت الناعم أحسن

حالا . الآخرون يتنفسون في

صعوبة ، صدورهم مفتوحة : يروحون

بأيديهم ومناديلهم . الشيخ عميشة

جالس في الصدر ، معتمد بظهره

على الحائط ينهج في حشرجة . الجمع

حوله يتطلعون إليه في ابتهاج . غير

أن محاسن أبلد هم عنه ، مفضضة

العينين ..)

عناف : (وهي مطبقة الأجنان ، تقول لهجت الناعم :)

الساعة كام دلوات ؟

بهجت الناعم : (وقد ألقى نظرة على ساعته) نص

الليل . . !

شكيب : (صائحاً ، بقدر ما تسفقه قوته) نص

الليل . . ؟ يستحيل . . !

نبيل بك : (ينظر في ساعته) نص الليل تمام . . يعني

بأى لنا في الخبأ ده تمانيه واربعين ساعة . . !

شكيب : مستحيل . . مستحيل . .

بهجت الناعم : أمال بأى لنا أد إيه يعني ؟

شكيب : أول تمانيه واربعين يوم ، ولا أول تمانيه

واربعين سنه (يفتح صدر قيصه بشدة ، ويروح على صدره)

أنا حاسس إن الهوا ينأص شويه بشويه . . (ينهج) أف . .

أف . .

فهم الخشن : (بصوت ضعيف ، وقد أشار الى الشمعة)

مش تظفوا الشمعه دي ؟ . . دي بتشاركنا في استهلاك

الأكسجين ياخوانا . .

القولى : (مذعوراً) إزاي تطفوا الشمعه . . حاتخلونا
في القتمه . . !

بهجت الناعم : ويعنى هي فايدانا ايه ؟ اطفوها . . اطفوها . .

دهب افندى : لا ، لا . . (باستعطاف) آهي برضه

مآ نسا نا ، ما تخلو ناش نموت في القتمه المئو بيضته . . !

محاسن : (بمفردها تناجى نفسها في غيبوبة) يلا

يا حبيبي نمشى سوا في السكه الخضرا الواسعة دى . . يلا

نستحمى ونشرب من الميه الصافيه . . أرب الكاس على . .

تعالى لى يا حبيبي على مهالك . . !

شكيب : (بعيداً عنها) أنا حاتخني . . حاتخني . . !

فهم الخشن : يا اخواننا ارحمونا واطفوا الشمعه دى . .

عفاف . (فى ابتهال) يا لله بأه يا ربى خلصنا من اللى

احنا فيه . . كفايه عزاب . . !

نبيل بك : (وقد أقبل على عميدشة يستعطفه)

إنت فيك البركد ، ومنك الخير . . ألبك الظاهر . ونيتك الصافيه

تخلي دعوتك مستجابه عند الله . . ادعى لنا واطلب

لنا الرحمه . . !

(الجميع يقبلون على الشيخ عميشة ، يستصرخونه
ليطلب لهم الشفاعة عند الله ، يناشدونه في استعطاف حار
أن يجيب طلبهم . الشيخ عميشة يصرخ طالبا طاماما
ولا يعيرهم التفاتا . .)

(قشقوش وبهجت الناعم أقل حماسة من الآخرين . .
عفاف لم تترك مكانها، وهي دائما في غيبوبتها تحلم. الأصوات
تضمفرويدا . ضيوف الخبأ يتهاكرون إعياء وضمفا على
الأرض ، وهم يطلبون الهواء . الشمعة تنطفئ . . لا تسمع
إلا أنفاس متقطعة ، تعم الظلمة الخبأ بعض الوقت . .
بعد حين تسمع أصوات معاول من بعيد . . يتوضح
الصوت . . ينهال التراب من سقف الخبأ . . صوت
الحفر مسموع . . تصدر من الشيخ عميشة أصوات
غريبة وكأنه فطن إلى حدوث أمر جديد . .)

بسبوسة : (للشيخ عميشة) مالك يا شيخ عميشة ؟

إستريح . . ما تملأ ديش نفسك . . ما فيش حاجة . . !

عفاف : (تستهيق شيئاً) بهجت . . بهجت . . مندش

سامع ؟ (خائفة)

بهجت الناعم : (وهو في غفوته) ألت لكم ما تثلثو نيش . .

نبيل بك : (وهو في سباته) أيوه ما تثلثو نيش . . .

كفايه زعيء و سخوته بأى ... !!

عفاف : إيه ده ؟ إيه الكركبه دي ، هو في الخبأ عفاريت ؟!

ذهب أفندي : (وقد أرفف سممه) أنا سامع دء !!

(صأحاً) يا نبيل بيه . . إنت فين ؟

(تسمع أصوات آدميين من الخارج مع أصوات

الماول . . التراب ينهال بشدة على وجه نبيل بك . .

يرفع رأسه مذعوراً . يدعك عينيه . يتلثت حوله . .

تصديه بعض الحجارة المتساقطة . . يهب واقفا وهو يترنح :

إيه ده ؟ إيه ده ؟ الخبأ بينهد علينا . . (يصيح) ما فيش حد

ينسجدنا (يجري هاربا ليحتمي في ركن آمن . . .)

(الكل يستيقظون ، يجرّون أنفسهم في هرج ومرج ،

يتطلعون يمنة ويسرة . يقولون : إيه اللي حصل ... ؟ إيه
اللي جري ... ؟

(ينهال التراب والحجارة بشدة ، وتنفث ثغرة . نور
المصابيح من الخارج يبدد ظلام الخبأ ...)

الغولى : (وقد نظر إلى فوق ، يصيح فى شدة)
أدى احنا خلاص نجينا ... خلاص نجينا ... (يسقط
منشياً عليه)

(نبيل بك وذهب افندى وبسبوسة وشكيب
يصيحون صباح الفرح ... قشقوش يحدق فى الثغرة
ذاهلاً وهو صامت ... محاسن تفتح عينيهما تمهلان فى الثغرة
مبهوأة مفتوحة الفم لا تنبس . عفاف تلتفت حولها فى
فى زهول ...)

الغولى : (يفيق من غشيتها ، يرفع رأسه ، فيقابله
النور ، يصيح :) خلاص نجينا .. ! ..
(وانكنه لا يكاد يتم الجملة ، حتى يقع منشياً عليه ثانياً)

(نبيل بك وذهب افندي ، وفهم الخشن ، وبهجت

الناعم ، وبسبوسة ، يتطلعون إلى الثفرة ويعيرون :)

إحنا نجينا . . (يحتضن بعضهم بعضاً ، وتشتد حاجتهم

ولكن سرعان ما يضعف صوتهم وحر كآتهم من الأعياء .

أحد رجال الاسعاف يهبط بحبل ، ومعه مشعل . يحمل
الأطعمة وبعض المسعفات اللازمة . يتجمع حوله الناس)

رجل الاسعاف : (يوزع عليهم اللبن والخبز) خد . .

وانت خد . . وانت راخر خد . . (وهو يتفحصهم)

ما فيش حد فيكم متهور ؟ (لأحد يجيبه) يعني ما فيش حد

بيرد !؟ (كلهم منهمكون في الأكل ، يقولون :) ما فيش

حد ، ما فيش حد !

(بعض منهم يقول وفه مملوء :) ما فيش حد . . .

ما فيش حد . . . !

(يرى قشقوش قد انتحى ناحية بعيدة ، وجلس

ياكل صامتا . الثفرة يظهر منها بعض رؤوس ينظرون إلى

ما وقع في الخبأ . رجل الاسعاف يلحظ أن الفولى لا يتحرك
فيسرع اليه يتفحصه ، يعطيه منمشا . يبدأ يفتق ، ويمسح عينيه
الفولى : (صأحأ) إحنأ خلاص نجينا . (يعانق رجل
الاسعاف بحرارة ، وهو يمسح عينيه ، يناوله رجل الاسعاف
صحنه ، يأخذ الفولى بلهفة ، ويندفع يأكل وهو يغمغم)
ما خلاص نجينا . . !

(محاسن تفنؤ بعد الأكل توأ . .)

شكيب : (لمحاسن) الله . . ! أنت حتنا مى يا محاسن
هو ده وأت نوم ؟ ! (يهزها) محاسن ! ؟ ..
(يعتريه الخمول ويتشاءب ، يدهمه الناس)

(عفاف مازالت تلتفت حولها فى ذهول ، وترفع
رأسها ، وتحقق فى الثغرة ، تستيقظ تدريجاً من ذهولها)
عفاف : (تلتفت الى بهجت الناعم وتصرخ : إحنأ
نجينا مش كده ؟ !

بهجت الناعم : نجينا . . نجينا والحمد لله . (يسط لها ذراعيه ،
فترتمى على صدره ، وهى تضحك وتبكي ، يحتضن كل منهما

صاحبه . بهجت الناعم يأتي لعفاف بصحتها يقول : مش
تاكلى

عفاف : (تأخذ صفحاتها ، وتنظر فيها) طيب طيب ماكل
(تندفع ضاحكة . .)

(رجل الاسعاف بينهم ، يعنى بأمرهم ، ويوزع عليهم
الطعام . الفولى يفتل شاربته . عفاف تبدأ العناية بهندامها
أثناء الاكل . .)

دهب أفندي : (وهو منحن على صحته ، يلتهم طعامه
وقد دنا من نبيل بك . .) مين كان يظن اننا حنخرج من
الأبرده ، واسه فينا روح ؟ !

نبيل بك : (وقد جلس فى عظمة يأكل ، ووضع رجلا
على رجل . . يقرقه) مين كان يظن . . إبهد شويه بالصحن
بتاعك . ! ؟

فهم الخشن : (لنبيل بك) أوكد لك يا إكسلانس إنى
مافأدتش الامل فى النجاه لحظه واحده . .
نبيل بك : وده كان شعورى بالضبط . . !

(شكيب ومحاسن يستيقظان من غفوتهما . يتمطيان

ينظر أحدهما إلى الآخر ..)

شكيب : (لمحاسن) حمد الله على السلامة باعحاسن .. إشال
السكابوس عننا ، ورجعنا للدنيا تاني .. !

محاسن : (تنظر اليه ، تبتم ابتسامه يشوبها الحزن)
صحيح رجعنا الدنيا .. (تضع الصحن جانبا لتمسح فمها

(شكيب يمسك يديها ويهزهما ، تخلص يديها منه في صمت
ثم تتناول صحنها ثانياً وتأكل في ببطء . شكيب بجانبها
يكلمها في حماس وهي تعجبه في سكون ، وعيناها لا تفارقان
الصحن . يقوم شكيب ليكلم الآخرين ، ثم يعود إليها
وهكذا ..)

بهجت الناعم : (لعفاف) عجبك الرحله دي ؟

عفاف : (وقد أهمكت تزين نفسها) رحلة إيه ؟

بهجت الناعم : رحلتنا إلى العالم التاني ... !

عفاف : (تحديق فيه لحظة ، صامتة ، تفهمم : العالم التاني ؟

تطلق ضحكة فجائية) آه ... دي كانت رحلة لطيفة
أوى ... !!

نيل بك : (وهو يمسح شارب به مسحة أرستقراطية)

أؤكد لك يا ذهب أفندي إنني ما فأدثش الأمل ولا لحظه واحده
كنت بتفرج على اللي بيحصل حواليه زي اللي بيتفرج على
رواية لطيفة !

ذهب أفندي : روايه لطيفه ؟ أيوه دي كانت لطيفه خالص
مفيش كده ... !

فهم الخشن : (لنبييل بك) أعصاب ذهب أفندي ما تئدرش
تستحمل المغامرات اللي زي دي ...

ذهب أفندي : المهم إننا نجينا والسلام ...

بسبوسة : (وقد سمعت قول ذهب أفندي) نجينا ببركة
عم الشيخ عميشه ... ربنا يخليه لنا هو اللي حفظنا وصانا ...

فهم الخشن : (وقد التفت اليها وترفع . يندفع مقهقها
وهو يقول :) بركة الشيخ عميشه ؟ !! (ينظر إلى نبييل بك)

نبييل بك : (يقهقه سخريه) بركة الشيخ عميشه !

(الشيخ عميشه وقد التهم نصيبه ، يقصد إلى القولى
يتطلع فيما بقي من طعامه)

القولى : (يرفع بصره ، ويحدج الشيخ ، وهو يقول

في حدة :) كاني انا راخر . . ! مش كده ! ?

(الشيخ عميشة يرتاع ويعود إلى مكانه . . الفولى

يفتل شاربه)

بسبوسة :) لرجل الاسعاف ، وقد اقترب منها

ليتمحصها . .) ياترى يابنى ما شفتش الواد فتوه ؟! الواد فت . .

(ترى الفولى يتطلع إليها ويحدجها بنظرة جافة) الواد ابن

بنتى تاه منى ع الرصيف ، ما لثيتوش ؟!

رجل الاسعاف :) بلهجة سخرية) ابن بنتك ؟ هو بس ؟!

ما تسألنيش كان عن أبوك وامك ؟!

محاسن :) وهى تتطلع الى الثغرة ، وبجانها شكيب)

يكوش بابا وماما فى الناس دول ؟!

شكيب : بابا وماما ؟ ! (يرنو الى الثغرة) ما أظنش . .

ما أظنش . .) محاسن تشفق بالبكاء دفعة واحدة ، وتخفى

وجها فى منديلها . شكيب يقول :) إيه اللي حصل ؟!

(يريد أن يحوطها بذراعه)

محاسن : سيني . . ألت لك سيني . . !
دهب أفندي : (وقد رفع رأسه أخيراً عن صحنه .
يلتفت حوله باحثاً عن شخص . أخيراً يقع بصره على
قشقوش .) آه . . انت هناك ؟! (ينظر الى رجل الاسعاف)
فلوسى يا حضرة فلوسى . . أنا انتهيت ، رجّعوا لى فلوسى .
(رجل الاسعاف يتساءل ، دهب أفندي يشير الى قشقوش)
هو اللى نهينا . . هو اللى سرأنا . .

رجل الاسعاف : أنا دلوات جاي عشات اسفكم .
والحكايات دى بيهدين . . !

دهب أفندي : (يتشبث برجل الاسعاف) ده باع
لنا السيمطة بميت إرش اسدا . . ؟!
رجل الاسعاف : بتقول إيه ؟

دهب أفندي : أحلف لك بدينى وأيمانى أنه باعها لنا بميت
إرش ما ينأصوش مليم واحد . . !!

رجل الاسعاف : (يضحك ملء شديه) السيمطة
بجنيه ؟ جنيه ؟ !

(همهمة وضحك من الناس المتفبين حول الثغرة ، رجل

الاسعاف يقول لقشقوش (

صحيح بعث لهم السميطة بميت إرش ؟

(قشقوش يرفع بصره في رجل الاسعاف ولا يتكلم .

رجل الاسعاف يوجه كلاءه إلى الجميع) وازاي

أفتوه ينهبكم بالشكل الفظييع ده .. ؟

دهب أفندي : لازم يرجع لكل واحد حؤّه .. هو ما فيش

حكومه ؟ !

شكيب : أنا مع دهب أفندي في الطلب ده ا

دهب أفندي : (متحمسا ، ومخاطباً الآخرين :)

واتتو ؟ رأيكم إيه ؟ ما تتكلموا .. ؟ !

فهم البخشن : (متعاضل) الواد ده جرت منه حاجات

ما هياش لاينه ، ولازم يتأدب عليها . ولكن معاش ، الحكايه

بسيطة ، بعدين نبأى نشوف لما نطلع من هنا ..

دهب أفندي : أنا بشول ع الفلوس اللي نهبها مننا ..

حتسكتوا عليها ؟ !

نبيل بك : (راغباً في إخفاء الأمر أمام رجل الاسعاف)

دى شوية أروش ادناها له عشان أدّم لنا بعض خدمات ...

ذهب أفندي : (وهو يصيح ، وقد هجم على قشقوش :)
مستحيل أخرج من هنا أبل الولد ده ما يرجع لي الفلوس
الفولى : (وقد تداخل بينهما ، لذهب أفندي)
تندر تطلب فلوسك بعد ما نخرج من هنا ، إذا كان لك عنده
فلوس صحيح . . !

ذهب أفندي : إذا كان ليّ عنده فلوس ؟ هوّ مش خد
عنك انت راخر . . ؟ !

ذهب أفندي : (بغلظة) أنا مسافر ؟ فشر ! ياخذ مني
فلوس ؟ . . يندر ؟ دانا كنت سيحت دمه ، وعلاّته زي
الديحه . . دهنه ! . . ياخي دهنه ! . .

(ذهب أفندي يتراجع)

رجل الاسعاف : تندروا تشوفوا المسألة دي في التمن . .
الفولى : أبوه نروح التمن . . الحكومة لا هي أبو ده ،
ولا هي أبو ده . . التمن يعرف خلاصه ، ويشوف إجراءاته
(يميل جانبا ويقول لقشقوش هامسا في أمر :) هات
يا واد . . هات . . !

(ينتحى بقشقوش في ركن ويمسك يده في جيبه ،
ويأخذ كل ما معه ، ثم يدفعه في جنبه ، يتلقى قشقوش
الدفعة بالصمت)

رجل الاسعاف : (يوجه كلامه للجميع ، وقد هيا

الجميل على شكل مقعد . . .) دلوات يلا استمدوا
للطوع . . . واحد . . . واحد . . . !

(يتجمعون عليه ويقولون :)

يلا ! يلا . . . !

رجل الاسعاف : ألت واحد واحد . . الستات أبله . .

الجنس اللطيف يتقدم . . !

(يهبط في هذه اللحظة من الشجرة علي الجبل « البهي

أفندي » جيبه مملوء برزم الأوراق والصحف ، يحمل

معه آلة تصوير . يتقدم من الجميع وهو ينهج :)

البهي أفندي : أنا سمعت دلوات بالحادثة العجيب التي جرى

لكم ، جيت لكم فوراً عشان أعمل معاكم حديث لجرنال

« الاستقلال » وانشر لكم صوركم . . أنا أقدم لكم نفسي

يا حضرات . ساهي البهي مراسل جريدة الاستقلال ، وأنا لي

الشرف إني أكون أول جرناليت جبه الخبأ بعد فتحه ،

وأكلم مع أبطاله اللي اندفنوا أحياء ، وظلعوا بالسلامه .

رجل الاسعاف : (للبهي افندي) دلوات لازم يخرجوا

بن الخبياً ، إذا كنت عاوز منهم حاجه تأ بلهم بره ...
البهي أفندي : برّه ؟ إزّاي ؟ دنا عاوز آخذ صورهم وهم
هنا . . . ولا بد أسمع كلامهم وهم في المكان العجيب ده ، لسه
متأثرين بالحاله اللي حصلت لهم ، حالة دفنهم بالحيا . . .
رجل الاسعاف : يا أستاذ إن . . .

البهي أفندي : (مقاطعا) لكن إذا خرجوا مش حيكون
للصوره أى قيمه فنيه صحفنيه . . . وكان كلامهم ما حياش
فيه الطرافه المطلوبه . . . فمن فضلك ما تعطش على مهمتى زى
ما أنا فاهمها بصفتى جرتنا ليست . . . !
رجل الاسعاف : الجنس اللطيف يتندم . . . الجنس اللطيف
أبلا . . . !!

(البهي أفندي ينهمك في إعداد آلة التصوير . . .)
شكيب : (لمحاسن) يلا . . . يلا . . . خنخرج !
محاسن : (وقد قامت مدفوعة بشكيب ، تقول

في خوف وجزع :) بس بابا . . . وماما !
شكيب : لازم يكونوا مستنييننا في البيت ، ويمكن يكونوا
عرفوا اننا هنا ، وجم بالعربية يا بلونا . . .
محاسن : (تفهم جزعة) آه ياربي . . .

شكيب : ايه ؟

زجل الاسعاف : الجنس اللطيف أبلا ...

(محاسن متلكئة . عفاف منهمكة في تزيين نفسها ...)

فهم الخشن : (لنبييل بك) ترضي سعادتك ترسم في

الخته دى ... ؟

نبييل بك : لا ... لا ... ! ؟

فهم الخشن : وأنا راخر رأيت كده ! !

نبييل بك : (في احتقار) هوهم يوزعوا الراجل المصوراتى

ده ...

دهب افندى : بيثول إنه جرنال يست ...

نبييل بك : على كل حال أنا ما عنديش وأت أآبل فيه

صحفيين ... !

فهم الخشن : ولا أنا كان ...

البهي افندى : (وقد أعد آلة التصوير) اتصفوا كده :

لازم يظهر شكل الخبأ ...

(الفولى أول شخص يقف أمام آلة التصوير ، وقد

قتل شاربته ، وأمسك عصاه الفليظة ، كأنه فارس

مغوار ...)

الفولى : يلا يا سيدى ... تعال ارسم باى ...
رجل الاسعاف : (يصيح) الجنس اللطيف هو اللى
يتقدم ..

بهجت الناعم : (لعفاف) الراجل حسه اتبج من الزعى
يتنادى ع الجنس اللطيف .. يلا ..
عفاف : أبوه ، يلا ..

(تعطيه المرأة ، فيمسكها لها . هى منهمة فى
الزينة ..)

(البهى افندى يمر على الموجودين ليجمعهم أمام آلة
التصوير . يقع بصره على عفاف ..)

البهى أفندى : (مهلا لعفاف) الآنسه عفاف؟ الآنسه عفاف
نفسها ؟ .. عايشه ؟ دا من حظالفن انك رجعتى له

عفاف : (وهى مازالت منهمة فى الزينة وبهجت

الناعم أمامها بالمرآة) انتو افكرتوني مت ؟ !

البهى افندى : دى الاشاعه ملت الكازينو امبارح والكل
اعتادوا انك لاسمح الله من ضحايا الغاره .. واللى أكد
الحكاية انهم لثوا مندليك بين الانقاض ..

عفاف : (وقد نظرت اليه) مندبلي تحت الا تآض ؟

مكن ! (تمنحه يدها فيقبلها بحرارة) والكازينو اشتغل
امبارح ؟

البهي أفندي : زي العاده . طبعاً تحت ضغط الجمهور !

عفاف : (متعجبة) والاستعراض ؟ مين اللي آم

بدوري فيه ؟

البهي أفندي : الآنسه بيبي كتكوت ..

عفاف : (مستهجنة) بيبي كتكوت ؟ حاه !! يا ما احسن

ما اختاروا .. يعني ما لثوش غيرها ؟ !

رجل الاسعاف : الجنس اللطيف أبلا !

بهجت الناعم : (لرجل الاسعاف) لحظه واحده

نبيل بك : (صائحاً) نظام فاسد ..

(يخرج ساعته وينظر فيها)

دول مستنيني في النادي دلوات ..

شكيب : (لمحاسن) ليه ما تنأدميش وتستعدى للخروج

حاه .. ؟

محاسن : (متلكئة ، ومتضايقه من قوله) أنا مستعده

ولسكن انت ما بتعملش حاجه عشاني .. انت مش شايف الزجه

دى كلها ؟ . ازاي حاشى لحد الجبل ؟

شكيب : (ينظر الى الطريق فيجده خاليا) الزحمة ؟ فين

هى دى ؟

محاسن : يعنى حضرتك مش عاوز توسع لى الطرىء ؟

مرسي ..

(تهود أدراجها الى مكانها الاول)

شكيب . (يلحق بها) هو ده وأت العناد يا محاسن ؟ !

محاسن : خلاص .. مايكش دعوه بي . مرسي ! . انا عنيده

وأخلائي وحشه كان !

شكيب : انا ما ألتلككيش كده ..

(يقبل عليها)

محاسن : (تدفقه) سيبني .. سيبني من فضلك .. !!

الفولى : (وهو واقف أمام آلة التصوير ، يفتل شاربه

يخاطب البهى افندى :) أنا مستعد .. تعال ارسم ا

بسبوسة : (تقف بجواره ، وهى تصلح هندا ميا وترتب

شعرها) أد احنا كلنا استعدادنا هو ..

الفولى : (وقد رماها ينظرة احتقار قاسية) ما تنفيس

جنبي .. إبعدي شويه .. !

بسبوسة : (وهي تمتد قليلا) حاضر يابني . .

عفاف : (للبهى افندى وهي ساخرة) أظن الاستعراض

بتاع امبارح صادف نجاح باهر بالآنسة بيبي كتكوت . . !

البهى افندى : (متملقاً) ياسلام ! . . صادف الفشل اللي

مستنيه . . ولكن جرت حادثة غريبه أوى . .

بهجت الناعم : حادثة إيه ؟

البهى افندى : أرب ما ينتهى الفصل التانى اتأدم الوجيه

توحه المنيماوى ، وأدم للآنسة بيبي كتكوت صُحبة ورد

جواها أعند غالى أوى . . !

عفاف : توحه المنيماوى ؟ الدّون ! . . (تعفهم) هم بيتاسموا

ف ميراسى وانا لسه حيّه ؟ ! (صائحة) حورّيهم ! . . .

(تسرع إلى جهة الحبل ، تقول لرجل الاسعاف :)

يلاّ طلعنى بأه . . !

(رجل الاسعاف يجلسها على المقعد الذى هياه . . .)

البهى افندى : (وقد أمسك بالحبل يمنهما من الصعود)

إيه ؟ حتخرجى أبل ماأخذ صورتك . . ؟

عفاف : سيبي . . ما فيش عندي وأت !
البهى افندى : لحظه واحده . . وحياة أبوكي . . إنت
عاوزه تخربي بيتي ؟ . . هي دي فرصه لها أخت !

رجل الاسعاف : (للبهى افندى) سيب الجبل . .
البهى افندى : (لعفاف) أهو كده بوظ عال خالص . . !
رجل الاسعاف : ألت لك سيب الجبل . .
البهى افندى : (لرجل الاسعاف) يا حضرة سيبي . .
أنا بأدي واجب !
رجل الاسعاف : واجب ؟ أنا مليس شأن بالواجب
بتاعك ده . . !

(يمسك به يحاول إبعاده)

البهى افندى : (وقد احتد) بثول لك سيبي أحسن بعدين أ
رجل الاسعاف : بعدين إيه ، وأباين إيه ؟ . .
القولى : (بغلظة لرجل الاسعاف) ما تسيب الراجل
لما يرسي . .

رجل الاسعاف : (للقولى) خليك ف نفسك ، تميلكش
دعوه بغيرك . . !

القولى : (وقد أمسك بخناتى رجل الاسعاف)
لأ . . . لأ . . . أنا ليته دعوه ونص . . . وانت باين عليك دُعُف
ما عند كس زوء ولا إنسانيه . . .

رجل الاسعاف : (يمسك به) دُعُف ؟ أنا دُعُف ؟ طيب

تُخذ (يضربه)

(القولى ورجل الاسعاف يتضاربان . بسبوسة تصوت . .

هرج ومرج فى المخبأ . . اثنان من رجال الشرطة يهبطان
المخبأ على الجبل . .)

(فى هذه اللحظة تطلق صفارات الانذار بحدوث غارة

جوية جديدة . . الكل يبهتون . . ينظرون إلى الثغرة . .
يتصايحون)

الجميع : (وقد هجموا على الجبل يريدون التعلق به

للخروج) إلتئونا . . إلتئونا . . !


(الجبل ينقطع ، يقع الناس بعضهم على بعض . .

صفارات الانذار تدوى . . بعد لحظة تسمع طلقات

المدافع . . الثغرة يهجرها من كانوا حولها . بعض حجارة
وأتربة تنهال من الثغرة . .)

(في هذا الوقت نرى قشقوش قد توسط الخبأ
ووضع يديه في خاصرته ، وانطلق يقهقه ! . .)

ستار الختام



المطبوع للمؤلف : ١ - في العربية

الوثبة الأولى

الحاج شلبي

أبو علي عامل أرتيست

الأطلال

الشيخ عفا الله

قلب غانية

فرعون الصغير

نداء الجمهور (من منشورات دارالمكشوف بيروت)

مكتوب على الجبين

نشوء القصة وتطورها

ثلاث مسرحيات : الصعلوك ، أبو شوشه ، الموكب

(باللغة العامية)

عروس النيل : مسرحية غنائية (باللغة العامية)

المخبأ رقم ١٣ : مسرحية ذات ثلاثة فصول

(باللغة العامية)

ب - في الفرنسية : غراميات سامي

Les Amours de Sami

Les écrivains Contemporains 26 Rue des Tourneiles

Paris 1^{Ve}.

ج - في الألمانية : مجموعة قصص (اختارها وترجمها المستشرق

السويسري الدكتور ويدمار)

Mahmûd Taimûr

von Dr. G. Widmer

Arther Collignon, Buch handlung für Kunst

und Wissenschaft G. m. b. H. - Berlin N W 7

تحت الطبع للمؤلف :

عوالي

مسرحية ذات ثلاثة فصول

قال الراوى

نخبة من القصص للنشء والأسرة

بنت الشيطان

وقصص أخرى

ثلاثون يوماً في بلاد ابن سعود

تأليف

التي يقدمها عدد الحوادث الشهرى الممتاز

تأليف

المصطفى المعروف الاستاذ محمد همري

يشتمل على وصف صحفى طريقه لرحلة التي قام بها المؤلف
في العام الماضي إلى الأقطار الحجازية ، حاجاً وصحفيّاً ،
من ابتداء الاستعداد للسفر في القاهرة إلى أن عادت به
الباخرة لميناء السويس ، في أسلوب رائع ، وتصوير أخذ

مع فصل في تاريخ تلك البلاد

والكتاب محلي بأكثر وأوفى وأدق مجموعة صور للبحر
والبلاد الإسلامية المقدسة

ظهر أخيراً

فاطلبه من المكتبة التي تتعامل معها